

Примечание из Суворова
Отъ Императорскаго Суворо-
вскаго Академическаго
Станова въ Библическую
Палату Императорскаго
Училища.

въ 1843 году.

1017-297-CD-III

2004

ԽՈՐՀՐԳԵԾՈՒ

ԹԻՒՆ

ՎՊ 376/3 մ

~~4008~~

3408

1412-657

ԽՈՐՀՐԳԱԾՈՒ

ԹԻՒՆ

ՇՆՈՐՀԵՅ ԵՒ ՆՇԱՆԵՅ

ԵՒ ԽՈՐՀՐԳՈՅ ՔՐԻՍՏՈՍԵԿԱՆ

ՍՈՒՐԲ ԵԿԵՂԵՑՒՈՅ

Ի ՊԵՏՍ ՈՒՂՂ ԸՓԸՈՒ ՄԱՆԵԿԱՆՅ

ՆՈՐԻՆ

ՅՕՐԻՆԵՆԸ,

Տ · ՄԵՏԹԻՆՍԻ ՍՐԲԸՉԱՆ

ԸՐԲԵՊԻՍԿՈՊՈՍԻ

ՉՄԻՒՌՆԻՈՅ

Ի ՎԼԲԵՐԸՆԻ Ս · ՄԵՍՐՈՊԸՅ

1842 ՌՄՂԱ

281



4906
38

ԲԵՐԵՆԵԽՍԷՆՁ ԼՁԳԱՊԻՐ

ՄԵՆՆԵՊԵՏԻ

ԱՂԼՅ ՍՏԵՓԸՆ

ԽԵՆՖԵՅՈՎ

Երկնաձիր պարզեաց աստուածային բիւրարեղուն շնորհաց ցանկացեալ 'ի տենչ սրտառուչ , ցուցէք ջերմեռանդն զձեր սիրտ բարեզգեաց որպէս զանօթ ընտիր պատրաստիկ ընդունարան այնր յորդաբուղիս զեղման . առ որ խանդակաթ փափագ ձեր՝ յօժարեցոյց զձեզ 'ի լոյս ընծայել զայս փոքրիկ տեսարան ամենացանկալի շնորհաց և սքանչելի խորհրդոց քրիստոսական սուրբ Աղեղէցւոյ . որ իրրե զանձարան աստուածային շնորհաց՝ և հրաշագարդ խորհրդա-

րան կենարարին մերոյ Յիսուսի փրկարար
արգեանց՝ նուիրի արժանաւորից երկնային
բարեաց :

Անգ այս բարեպաշտիկ հաճութիւն ձեր
նկատեալ այլովքն հանդերձ , արժան համա-
րիմ՝ զձեր հոգեսիրութիւն անուանել Շա-
հափաճառ հոգևոր , ո՞ Մզնուամեծար Սի-
րեցեալդ 'ի Տէր , զի հաճեցաւ ազգասի-
րութիւն ձեր՝ ոչ միայն առանձին զուար-
ճանալ յարդասիս երկնասպարդև շնորհացն
և սրբարար խորհրդոցն , որ 'ի սմա սա-

կառամասնեայ ցուցանի . այլ մտադիր Թա-
րածել զսա ընդ համայն համազգի ողջա-
միտ անձինս , 'ի սէր սերտ քրիստոսական
փրկարար արդեանց :

Օ՛ի եթէ որոց միանգամ վայելեալ ընդ
այս , և զսորին հոգեկան շահստացութիւնս
դանձեալ 'ի սիրտ՝ փարթամասցին յերկ-
նային փառաւորութիւնս , անշուշտ և ձեր
խկ բարդին վարձք երանութեան , և դան-
ձին յերկինս անկապուտն ձեր ճոխութիւնք
հոգեփարթաւօ : Ազատ յաւէտ ընդ այս

յաւերժացի բարեշահիկ արդիւնք Աստուածասիրիդ , անմահացի բարեպատկ անուն Ազգասիրիդ . և մշանջենաւորեսցի 'ի ձեզ բարութիւն աստուածային :

Մնամ յամենայնի բարեմաղթու վասն բարեացապարտ և փառաւոր կենդանութեան ձերում :

Մարտի 1842 թ. Գլխաւոր
Պրիւնցի , Աստուածային
Պատմիկ :

1 Ապրիլ 1842 .

Մարտի 1842 թ. Գլխաւոր
Պատմիկ :

ՅԵՌԵՄ ԼԻՒՆ

Խորհրդակիր խումբ ուղղափառ հաւատացելոց յերկրի՝ քրիստոսական սուրբ եկեղեցի, գերօրինակ և բարձրագոյն խորհրդով զարմանալի ճշմարտացոյց հոգեօրնշանօք և աստուածապարգև ձրիատուր շնորհօք, առաւել քան զերկնայնոցն ընկալեալ զողով զծայրագոյն բարւոյն ճոխութիւնս փառաց և բարեաց, ՚ի վեր քան զլուսեղինացն դասակարգութիւնս համարձակագոյն վերամբարձեալ երկնասլաց թեօք կատարեալ աստուածգիտութեան և աստուածաշառութեան՝ ոչ միայն մերձաւոր և ընտանի հանդիսանայ աստուածային յաւիտենական և ամենացանկալի փառաւորութեանն, այլ և նորին իսկ ամենամեծ վայելչութեանն, և յաւերժական երանութեանն է ժառանգաւոր :

Ի սմա յորդախաղաց վտակք աստուա-

ծային մշտահաս շնորհաց , ցնան աղբւ-
րացեալ առաւել քան զքառառաջեայ զեան
Նշգեմեան , յոռոգումն հողւոց զանմահ
կենդանութեան ուղիս զուարթարարս և 'ի
պտղաբերութիւն աստուածահաճոյ գործոց
առաքինական բարեմասնութեանց :

Ի սմա անմահ և ամենատէր թագաւորն
վերին հաճեցաւ հաստատել զանչափ բարձ-
րութեան սիրոյ իւրոյ և զամենառատ բա-
րեղթութեանն զաթոռ , և զորս եղիտ աս-
տանօր իբրև 'ի մի սիրտ և 'ի մի հողի
միացեալ հաւատով , յուսով և սիրով ,
կնքեաց աստուածային շնորհիւ իւրով 'ի
հաղորդութիւն մեծվայելչութեան անբաւ
բարութեան յաւիտենական փառաց իւրոց ,
սրբացուցիչ նշանաւ իւրով :

Սմա ամենեկին անմերձենալի են աղջա-
մուղջ մէզք պատրանաց աշխարհի , և ան-
դարձ է խոյս ոգւոց խաւարասիրաց . զի
մշտափայլ վառք 'ի սմա լոյս ճշմարտու-
թեան եօթնանշոյլ խորհրդոցն մատակա-
րարութեամբ , առաւել պայծառազոյն քան
զեօթնաջահեան ճրագարանն ոսկեծոյլ աշ-
տանակին հնոյ խորանին վկայութեան :

Ինդ այսբան ներքին և հոգևոր և բազմաշահ մեծամեծ փառաւորութիւնս եկեղեցւոյն Քրիստոսի զմայլեալ իմ հոգւով և մտօք այնչափ , մինչև զնկնախոհ մտաց իմոց մոռացեալ զանբաւականութիւն , սրտեռանդն բաղձանօք ձեռն 'ի գործ արկի յայս զբաւոր խորհրդածութիւն՝ վստահացեալ և յուսացեալ յամենաբաւական շնորհս աստուածային առատաձեռնութեանն , որ միայն է լցուցիչ հոգւոց բաղձանաց , ուղղիչ խորհրդոց մտաց , և զարթուցիչ հոգևոր իմաստից և խորհրդոց բարեաց , 'ի փառս մեծի անուան իւրոյ և 'ի փրկութիւն հոգւոց մերոց :

Ըս այս փութացայ մատչիլ 'ի տեսութիւն ամենամաքուր եզերաց լայնածաւալ ծովու առատարուղիս և աստուածային շնորհաց սուրբ եկեղեցւոյ , անբաւական գոլով 'ի յանդդնութիւն մանրախոյզ քրննութեան , ահաբեկեալ 'ի բանէն զչափ անձին ոչ ճանաչելոյն :

Տկարատես մտաց մեր առաջի իբրև քաջացոյց դիտակ ունելով զաւետարանական

և զառաքելական ողջամիտ վարդապետու-
թիւնս , ըստ կարի մեր փութացայ զսրբա-
րար խորհրդոցն եկեղեցւոյ նկատել զաե-
սութիւն . և ներքին զխտողութեամբ խոր-
հրդածեալ 'ի նոսա ուրոյն ուրոյն՝ փա-
փազ հողևոր բաղձանաց իմոց ստիպեաց
զիս ցայս վայր , քարոզել զհիանալի մե-
ծութիւն աստուածագործ արդեանց մար-
դասէր և փրկագործ անօրէնութեան Յի-
սուսի Քրիստոսի Տեառն մերոյ :

Չի գիտասցես թէ որպէս սլարա իցէ
քեզ 'ի տան Աստուծոյ շրջել . որ է ե-
կեղեցի Աստուծոյ կենդանւոյ . սին և
Հաստատութիւն Տշմարտութեան :

— ՏԻՏ . Է . 15 :

Գ Լ Ո Ւ Խ Ե

Յուրաքանչեւ Եկեղեցւոյ՝ Լեւ շէնչ Երեւ:

ԼԿԵՂԵՅՅԻ բառս է յունական,
և սաուդարանի հրաւիրումն և կոչումն առ երևելի ինչ համախմբութիւն.
Վասն որոյ ժողով մարդկային բազմութեան
ատանց տարածսյութեան 'ի մի վայր 'ի
միարանութիւն գումարելոց՝ յաղագս միոյ
իրիք խորհրդոյ և պաշտաման, կոչի եկեղեցի.
ըստ այնմ, "Յայնժամ եկեղեցայոց
արքայ Սողոմոն զամենայն ծերս խարայելի"
դ՝ Թագ . լ . 1 :

Ըյս ազնիւ անուն՝ խորհրդարար նշանակէ զսեպհական ժողովուրդս Ըստուծոյ,
որք յատուկ կրօնիւ աստուածպաշտութեան
և զանազան ծիսիւ արարողութեան
միարանին 'ի հաւատս աստուածդիտութեան,
և համախմբին 'ի մի պաշտօն ծառայութեան
անժխտելի օրինացն Ըստու-

ծոյ : Որպէս էր 'ի հնումն ազցն իսրայէլի, որք պաշտէին զԱստուած՝ ճանաչելով զնա ամենակարող արարիչ և տէր, ինամարար ամենայնի . և միաբան հաւատային՝ եթէ գալոց է յաշխարհ մեսիայն Քրիստոս վասն փրկութեան ամենեցուն :

Իսկ յորժամ եկն յաշխարհ 'ի լրման ժամանակի, և յայտնեցաւ մեծահրաշ և փրկարար խորհրդով իւրով, կամակոր մտօք յամառեալ 'ի շարութիւնս նախանձու և հպարտութեան՝ կուրացան կուրութիւն մտաց . և ոչ իսկ ծանեան զնա, և ոչ ընկալան զլոյս սքանչելի փրկութեան 'ի հոգիս իւրեանց, վասն որոյ և զրկեցան յաւետարանական երանութեանց և օտորացան յԱստուծոյ և յարքայութեանն փառաց : “Իսկ արդ՝ զոր խնդրէրն իսրայէլ, այնմ ոչ եհաս” . (Հոով . ժւ . 7) : Աւ վասն սոցին ողբալի կուրութեանց և թըշուտազոյն զնացից անօրէնութեան, կանխաւ խօսեցաւ մարգարէն Ասայի . “Օճանապարհն խաղաղութեան ոչ ծանեան, և ոչ զոն իրաւունք 'ի ճանապարհս նոցա . զի

շաւիղք նոցա՝ ընդ որ գնան , խոտորեալք են , և ոչ ծանեան զխաղաղութիւն . վասն այնորիկ հեռացան 'ի նոցանէ իրաւունք , և մի՛ հասցէ առ նոսա արդարութիւն . մինչդեռ ակն ունէին լուսոյ՝ եղև նոցա խաւար , և մինչդեռ սպասէին նմա՝ ընդ մութն շրջեցան” . (ՃԹ . 8) : Այլ վասն շարաշար մոլութեան և կամակոր կուրութեան նոցին և Յօբ ասաց մարգարէաբար . “ 'Ի տուէ պատահեսցի նոցա խաւար , և 'ի միջօրէի իբրև 'ի գիշերի խարխափեսցին” . Ե . 14 :

Բայց 'ի նորումս ամենայն ազգ հաւատացեւոց միախորհուրդ գտան 'ի յաւիտենական ճշմարտութիւնս՝ և միաժողով 'ի քրիստոնէական սրբազան կրօնս , որք միաբանութեամբ հաւատան և խոստովանին՝ եթէ Քրիստոսն է որդի Աստուծոյ կենդանւոյ և ճշմարտի . ըստ այնմ , “Դու ես Քրիստոսն որդի Աստուծոյ կենդանւոյ . (Մատ . ԺԴ . 16) : Մեք հաւատացաք և ծանեաք , եթէ դու ես Քրիստոս որդի Աստուծոյ” . Յօհ . Կ . 70 :

Քրիստոսնէից այս ուղղափառ դաւանու-

Թիւն , է դուռն աստուածային երանու-
 թեանց , ժառանգաւորութիւն զանազան
 շնորհաց և անշարժելի հիմն սուրբ եկե-
 ղեցւոյն Քրիստոսի : “Ի վերայ այդք վիմի
 շինեցից զեկեղեցի իմ” . Մատ . ԺԿ . 18 :

Այլա իրաւամբ ժողով քրիստոնէից
 ասի և է եկեղեցի Քրիստոսի . զի ընկա-
 լաւ զամենայն հոգևոր բարիս և զշնորհս
 սրբարար խորհրդոցն Քրիստոսի . և ցու-
 ցանէ զառաքինական դործս զարժանացու-
 ցիչս փառացն արքայութեան : Յորմէ օ-
 տարացաւ , մերժեցաւ , ժողովն հրէից լցեալ
 կամուսպաշտութեամբ և նախանձու . վասն
 որոյ Յիսուս՝ առ յանդիմանութիւն նոցա ,
 և առ հաստատութիւն յուսոյ քրիստոնէից՝
 ասաց . “Վասն այսորիկ ասեմ ձեզ , զի
 բարձցի ՚ի ձէնջ արքայութիւնն Աստուծոյ
 և տացի աղչի , որ առնիցէ զպտուղս նո-
 րա” . Մատ . իւ . 43 :

Եկեղեցին է խորհրդական մարմին Քր-
 իստոսի , յօդակապեալ ընդ նմա հաւա-
 տով և սիրով . և իւրաքանչիւր հաւատա-
 ցեալք են իրրև անդամք պատշաճապէս

գասաւորեալք , որք ընդունին զաճումն հոգևորական և զգորութիւնս 'ի գերբնական պարգևացն Վրիստոսի , որ ընդհանրական և ինքնիշխան գլուխ է 'ի վերայ եկեղեցւոյն իւրոյ . զոր օրինակ 'ի մարդկային մարմինս ամենայն կենդանական և զգայական ազգմանց և ներգործութեանց՝ գլուխն է սկիզբն , սոյնպէս և խորհրդական մարմինն Վրիստոսի՝ եկեղեցին , զամենայն կենդանաբար ներքին զօրութիւնս շնորհաց և զներգործութիւնս հոգևոր ազգմանց 'ի գերամբարձ գլխոյ իւրմէ 'ի Վրիստոսէ առնուլրապէս . ըստ այնմ , “Աւ զնա եգ գլուխ 'ի վերայ ամենայն իրիք եկեղեցւոյ , որ է մարմինն նորա , և լուսնն՝ որ զամենայն յամենայնի ընու” . Ափեւս . ւն . 22 :

Օ՛ Վրիստոս գլուխ եկեղեցւոյ խոստովանիմք կրկին խորհրդածութեամբ : Այախ՝ զի ունի տիրապէս և ըստ ամենայնի իրաւունս իշխելոյ և տիրելոյ 'ի վերայ եկեղեցւոյ իւրոյ , 'ի վերայ ամենայն հաւատացելոց . վասն զի փրկեաց զամենեալին իւրով իսկ փրկարար արեամբ 'ի դատապարտութենէ

մեղաց , և անպարտական մահուամբն ապ-
րեցոյց , և կորզեաց 'ի ձեռաց զժոխոց .
մանաւանդ և բազմաշնորհ արգեամբ կա-
մաւոր չարչարանաց իւրոց հաղորդս կա-
ցոյց զամենեսին իւրոց իսկ աստուածային
բարեացն և փառաց : “Տուաւ ինձ ամե-
նայն իշխանութիւն յերկինս և յերկրի .
(Սաա . իը . 18) : Քրիստոս սիրեաց զե-
կեղեցի . և զանձն իւր մասնեաց վասն
նորա , զի զնա սրբեսցէ սրբութեամբ ա-
ւազանին բանիւ , զի կացուցէ ինքն իւր
յանդիման փառաւոր զեկեղեցի” . Ափես .
Ե . 25 . 26 . 27 :

Արկրորդ՝ զի միացեալ է Քրիստոս ընդ
եկեղեցւոյն կենդանացուցիչ շնորհօք և ա-
ռանձին սիրով . և մինչև ցկատարած աշ-
խարհի և յաւիտեան ոչ բաժանի 'ի նմանէ .
այլ իբրև զլուխ՝ ներքին կենդանական ազդ-
մամբն խնամէ զսարոյական մարմին իւր
զեկեղեցի , առաջնորդելով յամենայն ճա-
նապարհս փրկութեան . լուսաւորելով ճրշ-
մարտութեամբ աւետարանին , զօրացուցա-
նելով 'ի կատարելութիւնս առաքինական

գործոց առ 'ի ժամանեցուցանել յերանու-
թիւնս փառաց երկնից արքայութեան : "Այս
ընդ ձեզ եմ զամենայն աւուրս մինչև 'ի
կատարած աշխարհի . (Մատ . իը . 20) :
Աւ թէ՛ ոչ հեռի իսկ է յիւրաքանչիւր
ուսմբէ 'ի մէնջ . զի նովաւ կեամք և շար-
ժիմք և եւք" . Գործ . ժէ . 27 :

Ահա սորօք յայանի երևի , եթէ Քրիս-
տոս է ընդհանրական գլուխ եկեղեցւոյ ,
ինքնիշխան հրամայող , ծայրագոյն իշխող ,
ներքին կառավարիչ և արդարաբնին դա-
տաւոր ամենեցուն . իսկ առաքեալք՝ և օ-
րինաւոր յաջորդք նոցին՝ անուանին և են
փոխանորդք Քրիստոսի և կամ սրաշտօնեայք
նորին , ևս և երևելի այցելութիւն կամ հոգա-
բարձութիւն եկեղեցւոյն Քրիստոսի . ահա յայ-
տոսիկ վերածին բանքս վկայութեան : "Որ
ընդունի զձեզ՝ զիս ընդունի . (Մատ . թ .
40) : Այսպէս համարեսցին զմեզ մարդիկ
իբրև զպաշտօնեայս Քրիստոսի և հազա-
րապետս խորհրդոցն Աստուծոյ . (1 Աորն .
դ . 1) : Արածեցէք որ 'ի ձեզ հօտդ է
Աստուծոյ , վերակացու լինել՝ մի՛ իբրև

ակամայ՝ այլ կամաւ ըստ Աստուծոյ՝. ան ,
 Կաթու . Պետ . Ե . 2 :

Գարձեալ Ակեղեցին ստորագրական
 սահմանաւ բացայայտ իմն սահմանի ըստ
 անհրաժեշտ աւանդութեան աստուածա-
 քանից՝ այսպէս . “Ակեղեցին է ընտրեալ
 ժողով հաւատացելոց . ունող զսրբազան
 կնիք մկրտութեան . և է միաբանեալ ՚ի մի-
 ութեան հաւատոյ աւետարանական ճշ-
 մարտութեան . ՚ի հաղորդակցութեան ար-
 դարացուցիչ խորհրդոյն Քրիստոսի , և ՚ի
 պաշտամունս ծառայութեանն Աստուծոյ .
 և է միշտ պաշտպանեալ աներևոյթ ինա-
 մօք ՚ի Քրիստոսէ ՚ի կենդանացուցիչ զլիտոյ
 իւրմէ . և երեւելի այցելութեամբ կոտորա-
 ընալ յեպիսկոպոսաց յօրինաւոր յաջոր-
 դաց սրբազան առաքելոց անտի” :

“Ժողով ասացաւ”, որով յայանի լինի ,
 եթէ եկեղեցին է միաբանութիւն հաւա-
 տացեալ մարդկան տարածեալ և սփռեալ
 յամենայն աշխարհ և անբաժան ՚ի սրբա-
 զան կրօնս քրիստոնէական ճշմարտութեան :

“Ունող զՍրբազան կնիք մկրտութեան”

ասելով , արտաքոյ քրիստոնէական եկեղեցւոյ մնան հրեայք և հեթանոսք մոլորահաւատք , որք են միշտ 'ի վիճակի դատապարտութեան :

“Միարանեալ 'ի միութեան հաւատոյ աւետարանական ճշմարտութեան” ասելով , 'ի բաց մերժին յեկեղեցւոյ հերետիկոսք և ուրացողք ճշմարտութեանն Քրիստոսի : Որպիսիք են Երիոս , Եննոմիոս Վաղենդէս և Գայիոն . որք արարած ասացին զորդին Լստուծոյ դՅիսուս Քրիստոս , և յետ ժամանակի զոյացեալ յոչնչէ և կամ յայլմէ էութենէ և ոչ յԼստուծոյ Հօրէ անժամանակարար ծնեալ որդի յաւիտենական . որոց սակի էր և ամբարձչան Մակեդոն , որ ուրացաւ զլիննին սուրբ Հոգւոյն Լստուծոյ , հաւասար և փառակից Հօր և Որդւոյ . նման սոցա են Եսատոր Եւաիքէս և այլ չարափառք՝ որք չարաչար բանս վիժել յանդգնեցան ընդդէմ աւետարանական բացայայտ ճշմարտութեան . վասն որոյ յանդամոց եկեղեցւոյ 'ի բաց հերքեցան նզովիւք ուղղափառ սրբազան Հայրապետաց

’ի մէջ տիեզերական, սուրբ և հողեզումար ժողովոյ :

“Ի հաղորդակցութեան արգարացուցիչ խորհրդոցն Վրիսառսի ասելով”, յայտնի ցուցանի թէ ոչ ոք ’ի յանդամոց եկեղեցւոյ արտամերժի ’ի մասնակցութե՛նէ սրբարար խորհրդոցն, բայց միայն յամառեալք ’ի չարիս և իրաւամբ բանադրեալք ըստ յանցանացն իրեանց, որք չունին և համարձակութիւն մերձիլ առ սրբարար խորհուրդս եկեղեցւոյն և վայելել զչնորհս :

“Աւ ’ի պաշտամունս ծառայութեանն Աստուծոյ” ասելով, նշանակի վախճանական գործ եկեղեցւոյ, որով ընդունի յԱստուծոյ զպսակ երանութեան. որովհեաև եկեղեցին գիտէ և ճանաչէ զգերազանց մեծութիւն յԱստուծոյ՝ զչնորհեալ գերբնական պարգևս նորին, և զպատրաստեալ զերանաւէտ փառսն. վասն որոյ փութայ միշտ ’ի պաշտօնի երկրպագութեան Աստուծոյ գտանիլ՝ և յառաջանալ ’ի ծառայութիւնս ամենաբարի կամաց նորին :

“Աւ պաշտպանեալ աներևոյթ խնամօք

'ի քրիստոսէ 'ի կենդանացուցիչ զլսոյ իւր-
 մէ" ասացաւ . վասն զի եկեղեցին է բա-
 րոյական մարմին Քրիստոսի հաւատով և
 սիրով միացեալ ընդ նմա . և ինքն Քրիս-
 տոս է զլուս եկեղեցւոյ , ընդհանրապէս
 զօրացուցիչ և սրբացուցիչ ամենեցուն ներ-
 քին բարերարութեամբ : Իսկ զարտաքին
 կառավարութիւն և զայցելութիւն եկե-
 ղեցւոյն յանձնեաց առաքելոց իւրոց և
 նոցին յաջորդաց եպիսկոպոսաց և երի-
 ցանց . վասն որոյ ասացաւ 'ի վախճանի , "ե-
 ըւելի այցելութեամբ կառավարեալ յեպիս-
 կոպոսաց , յօրինաւոր յաջորդաց սրբազան
 առաքելոց" : "Գնացէք այսուհետև՝ աշա-
 կերտեցէ՛ք զամենայն հեթանոսս . միրտե-
 ցէ՛ք վնոսս յանուն Հօր՝ և Արդւոյ՝ և Հոգ-
 ւոյն սրբոյ , ուսուցէ՛ք նոցա պահել զա-
 մենայն զոր ինչ պատուիրեցի ձեզ . (Մատ .
 իը . 19 , 20) : Օտրիցունս այսուհետև ա-
 ղաչեմ՝ իբրև երիցակից՝ և վկայ չարչարա-
 նացն Քրիստոսի . որ և հանդերձելոց փա-
 ռացն յայտնելոց հաղորդ . արածեցէք՝ որ
 'ի ձեզ հօտդ է Լստուծոյ" . իմ Աթթ .
 Պետ . Ե . 1 ,

ԳՒՈՒԽ Բ

Յաղագս «Կէնտարդ-Էտն Ալեքեյոյ» :

Ի սկզբան աշխարհի հաստատեաց Աստուած զեկեղեցի իւր , կոչեալ զազց մարդկան՝ ներքին և սրբազան իմն ազգեցութեամբ 'ի կրօնս աստուածգիտութեան՝ և աստուածպաշտութեան , և յայտնելով ամենեցուն զհարկաւորն և զկարևորն առ ծանօթութիւն ճշմարտութեան և առ կատարումն կամաց իւրոց . սկսեալ 'ի նահապետաց ահաի մինչև յըրումն մարդարէից՝ տարածէր զհարկաւոր գիտելիս աստուածպաշտութեան . ոչ միայն միում ումեր յայտնելով զստեանգակ խորհուրդս աստուածպաշտութեան , որ ունէր կատարելագործիլ շնորհիւ մարդեղութեան Յիսուսի Քրիստոսի , այլ ընդ ժամանակս զանազան անձանց՝ զանազանս մատակարարէր . զոր օրինակ՝ զայլ ինչ Ագամայ , և զայլ ինչ Նոյի . զայլ ինչ տնտեսութիւն խորհրդոյ աս-

տուածպաշտութեան յանձնեաց Մորաճա-
մու, և զայլ յայանութիւնս արար Մովսէ-
սի. առ իւրաքանչիւր նաճապետս և մար-
գարէս մասնաւոր ազգեցութիւնս առնելով.
որք ամեներին հայէին առ մի խորհուրդ
աստուածային անօրէնութեան և մարգասի-
րութեան: «Բազում մասամբք և բազում
օրինակօք կանխաւ խօսեցաւ Աստուած ընդ
հարս մեր մարգարէիւք». Աբր. ւն. 1:

Արեմն միշտ անպակաս դատւ ծաղկեալ
խորհուրդ աստուածպաշտութեան ընդ
դարս դարս. թէպէտ երբեմն երեւեր խաւար
կռամոլ աղխութեանն, բայց լուսաշաւիղ
պայծառութիւն խորհրդոյն աստուածպաշ-
տեան յեկեղեցւոյն Աստուծոյ անպակաս
լինելով փարատէր հաշածէր զխաւարամած
անոտի պաշտամունս՝ յանդիմանեալ զմուրար
կարծիս հեթանոսութեան: Չոր օրինակ
մարգարէն Աղիա վառեալ նախանձու աս-
տուածային ճշմարտութեան զամօթի եհար
զարբայն Աքաար, որ պաշտէր զկուռս Բա-
հաղու և զսազումս 'ի ժողովրդոյն իսրայէլի
յօժարեցուցանէր առ այն կռամոլութիւն

սուտ մարդարէիւք : Օյ սրտահառաչ ազօթիւք նորին ակներև ցուցաւ 'ի հանդիսի ամենեցուն ամենակարող զօրութիւն ճշմարտին Աստուծոյ . վասնորոյ և ամենայն ժողովուրդն անկեալ 'ի վերայ երեսաց իւրեանց յերկիր՝ աղաղակելով խոստովանէին այսպէս : “Արդարև տէր՝ նա է Աստուած . տէր նա է Աստուած”. (Կ, Թագ . ԺԸ . 39) : Ահա աստանօր ծագեալ լոյս աստուածպաշտութեան ուղիղ կրօնից փարատեաց զխաւար կռամօլութեան : “Օտղեաց 'ի խաւարի լոյս ուղղոց . ողորմած՝ զթած՝ և արգար է տէր”. Սաղ . ճԺա . 4 :


Ահեղեցիս այս պաշտպանեալ լինէր 'ի սկզբանէ անտի յաստուածային այցելութենէ և 'ի զանազան խնամոց , առ 'ի մնալ ազատ 'ի վիճակէ անաստուածութեան . ըստ այնմ , “Յիշեա՛ զժողովուրդ քո զօր ստացար 'ի սկզբանէ , փրկեցեր զվիճակ ժառանգութեան քո”. Սաղ . ՀԿ . 2 :

Սովիմբ ցուցանի մշանջնաւորութիւն եկեղեցւոյն Աստուծոյ . որպէս բացառիկ Ազնիկ կողբացի (Գիրք . Կ . 229) . յասելն .

“Եկեղեցի Աստուծոյ 'ի սկզբանէ աշխարհի էր , զորմէ և Գաւիթ 'ի հոգւոյն սրբոյ ուսեալ մատուցանէր զաղօթս՝ թէ յիշեալ զեկեղեցի քո՝ զոր ստացար 'ի սկզբանէ” : Այս եկեղեցի՝ անուանի հին եկեղեցի , որոյ անդամք էին ազգք իսրայէլացւոց . որք թէպէտ ունէին զաստուածապաշտութիւն զրահան կամ մովսիսական օրինաց , բայց և անկատար էին 'ի ծանօթութիւնս աստուածգիտութեան :

Իսկ քրիստոսական եկեղեցին կոչի նոր եկեղեցի . որոյ անդամք են հաւատացեալք սքանչելի մարդեղութեան և փրկարար տընօրէնութեան Յիսուսի Քրիստոսի . և մկրտեալք յանուն ամենասուրբ Արրորդութեան . որով ունին զկատարեալ աստուածգիտութիւն 'ի Հայրն ամենախալ՝ 'ի յԱրդին միածին և 'ի սուրբ Հոգին յանեղն և 'ի կատարեալն . և հետեւելով կատարելագոյն ուսման լուսաշաւիղ ճանապարհին աւետարանական ճշմարտութեան՝ ընդունին զքրիստոնէական ողջամիտ և կատարեալ վարդապետութիւնս քարոզեալս 'ի սրբազան

աւետարանչաց և յառաքելոց . ըստ այնմ
 “Օր մեքն քարոզեմք և խրատեմք զամե-
 նայն մարդ և ուսուցանեմք զամենայն մարդ
 ամենայն հոգևոր իմաստութեամբ . զի կա-
 ցուսցուք զամենայն մարդ կատարեալ ՚ի
 Քրիստոս Յիսուս” : Առղոս . 1 . 28 :




Գ Լ Ո Ւ Խ Գ

Օւսնազանգ-ի-իւն Հին Իլիդից-ոյ ընդ նորոյս :

Օ Հին եկեղեցին զազգն հրէից՝ ընդ նոր
 եկեղեցւոյս ընդ քրիստոնէից բաղդա-
 տեալ, գտանեմք բազմատեսակ թերութիւնս
 և պակասութիւնս ՚ի հին եկեղեցին՝ յազգն
 հրէից :

Նախ՝ կարեմք կոչել զնա եկեղեցի սկըս-
 եալ և հանդերձեալ առ վայելս ապագայ
 շնորհաց և փառաց զալստեան մեծիային՝
 Յիսուսի կենարարին մերոյ, որ իբրև եկն
 յաշխարհ՝ աստուածաւայել հրաշագործու-
 թեամբն յայտնի իսկ ասնէր ամենեցուն
 եթէ ինքն էր Յիսուս փրկիչն աշխարհի,
 յոյր վերայ և մարգարէիցն քանք վկայէին
 թէ նա է Քրիստոսն, որ ասարկցաւ վըր-
 կիչ և կեցուցիչ հրէից և հեթանոսաց. իսկ
 ապստամբեալ հրէից ՚ի շնորհաց նորին և
 ՚ի փառաց, և անդր քան զսփ զառածեալ
 ՚ի կուրութիւնս կամաց իւրեանց, զինեցան



8045 3408

4966

նախանձու և ատելութեամբ ընդդէմ Յիսուսի . մինչ զի անիրաւ զրպարտութեամբ և 'ի մահ խաչի դատապարտել ժպրհեցան , որով խապառ մերժեցան 'ի փրկարար շնորհաց անախ , և զրկեցան յամենացանկալի փառաց նորին աստուածութեան : «Յիւրսն եկն , և իւրքն զնա ոչ ընկալան . (Յօհ . ան . 11) : Այլ խորայէլ երթայր զհետ օրինացն արդարութեան՝ և յօրէնս արդարութեան՝ ոչ ժամանեաց» . Հոով . թ . 31 :

Իսկ զնորս այս քրիստոսական սուրբ եկեղեցի՝ արժան է անուանել եկեղեցի կատարեալ 'ի խորհուրդս փրկութեան , և ժամանեալ առ շնորհս որդեգրութեան Հօրն Աստուծոյ , և առ ժառանգաւորութիւն երանական փառաց աստուածաեսութեան . որովհետև քրիստոսական սուրբ եկեղեցի խոստովանի և հաւատայ 'ի փրկարար մարդեղութիւն կենարարին Յիսուսի , և յաստուածադործ սքանչելիսն և 'ի շնորհասփիւռ Քչմարիտ վարդապետութիւնս նորին , և յուսայ դտանել զթողութիւն մեղաց 'ի ձեռն զղջման արդեամբ կամաւորական մահուան

և անպարտական խաչին Յիսուսի փրկչին մերոյ : “Իսկ որք ընկալանն զնա , ետ նոցա իշխանութիւն որդիս Աստուծոյ լինել՝ որոց հաւատասցեն յանուն նորա . (Յօհ . ւ . 12) .
 Հեթանոսք՝ որք ոչ երթային զհետ արդարութեան՝ հասին արդարութեան . այնմ արդարութեան՝ որ ՚ի հաւատոց անաի” . Հո . Թ . 30 .

Արկրորդ՝ հին եկեղեցին միայն զօրինակս և զձևակերպութիւնս տեսանէր ասպազայ փրկարար խորհրդոցն Քրիստոսի . և այն ՚ի ձեռն ծառայիցն Աստուծոյ մարդարեիցն և նահապետաց՝ այլևայլ եղանակաւ յայտնեալ , էր որ օրինակաւ նմանութեան , և էր որ մասամբք բանից տեսութեան . զոր օրինակ զլուսական ծնունդն իւր երևեցոյց օրինակաւ ՚ի ձեռն Ղանիէլի , “ի վէմն հատեալ ՚ի իոնէն առանց ձեռին” . (Ղանի . ք . 45) . Իսկ մարդարեիւն Ասայեայ յայտնի բանիւ . “ահա կոյս յղացի և ծնցի որդի” . Է . 14 .

Օխորհուրդ փրկարար խաչելութեանն յայտնեաց Աբրահամու , ՚ի հրաման անդր

զինմանն Իսահակայ . որոյ փոխանակ խոյն
կախեալ 'ի սարեկայ ծառոյն . (Ն՛նն . իբ՛ .
13) ըստ սյնմ՝ “Աբրահամ ցանկացաւ տե-
սանել զօրն իմ՝ (այսինքն զօրինակն) , ետես
և ուրախ եղև” . (Յօհ . ը . 56) : Իսկ այս
պարզ բանիւ մարդարէութեանն Ասայեայ
յայտնագոյն ևս քարոզեցաւ , թէ “Իբրև
զոչխար 'ի սպանդ վարեցաւ . և իբրև զօրոջ
առաջի կտրչի անմոռնչ կայ . այնպէս ոչ
բանայ զսերան իւր” . ծի . 7 :

Ահա այսորիկ ամենայն 'ի ձեռն մարդա-
րէից և նահապետաց նախագուշակեալ լի-
նէին 'ի հին եկեղեցւոջ . այլ ոչ արդիւնա-
ւորեալ բերէին զշնորհս և զփառս սրբա-
բար և փրկագործ խորհրդոյն փրկչին Յի-
սուսի : Իսկ 'ի նորս յայս սուրբ եկեղեցին
Քրիստոսի , յայտնեցաւ այս ամենայն խոր-
հուրդ փրկութեան . ոչ ընդ օրինակօք՝ այլ
յայտնի տեսութեամբ աստուածային ան-
ժխտելի սքանչելեաց և շնորհաց և ճշմար-
տագոյն խոստմանց յախտենական երանու-
թեան . ոչ մասնաւոր ինչ ծանօթութեամբ
և կամ ընդ աղօտ տեսութեամբ , այլ լիուլի

անթերի և լուսաորագոյն յայտնութեամբ .
 ոչ 'ի ձեռն մարդարէից և նահապետաց ,
 այլ 'ի ձեռն տեսան շնորհաց և հեղինակին
 ճշմարտութեան Յիսուսի կենարարին մերոյ .
 “Բազում մասամբք և բազում օրինակօք
 կանխաւ խօսեցաւ Աստուած ընդ հարս մեր
 մարդարէիք . 'ի վախճան աւուրցս այսոցիկ
 խօսեցաւ ընդ մեզ որդւոյն զոր եզ ժառանգ
 ամենայնի , որով և զլաւիտեանս արար” .
 (Աբբ . ան . 1) : Բայց ձեր երանի է աչաց
 զի տեսանեն , և ախանջաց ձերոց զի լսեն .
 ամէն ասեմ ձեզ զի բազում մարդարէք և
 արդարք ցանկացան տեսանել զոր տեսա-
 նէքդ՝ և ոչ տեսին , և լսել՝ զոր լուայքդ՝ և
 ոչ լուան” . Մատ . ժի՛ . 16 :

Արրորդ՝ հին եկեղեցին շունէր զներքին
 ճշմարիտ սրբութիւն և ազատութիւն 'ի
 սկզբնական մեղաց , և 'ի ներգործականաց .
 զի թէպէտ վասն մեղաց մատուցանէին զզոհս
 և զպատարագս ողջակիզաց , բայց ոչ բնաւ
 հաճելիք եղեն Աստուծոյ առ փրկութիւն
 մեղաց նոցին . այլ համարիւր իբրև գործ
 ինն բարեպաշտութեան և ցոյց աստուած .

պաշտութեան . մանաւանդ տիպ և օրինակ ճշմարիտ պատարազին Վրիստոսի , որ մատուցաւ 'ի վերայ փրկաւէտ սեղանոյ խաչին 'ի քաւութիւն մեղաց մերոց . որպէս եղև առ Մովսէսի , (Պ և տ . Թ . 24) . առ Գեդէօնիւ՝ (Ղաատա . 5 . 21) . և առ Աշխայիւ , (5 . Թազ . ԺԸ . 38) : Այս ամենայն մատուցմունք պատարազաց չունէին զզօրութիւն բառնալոյ և տալոյ զստացումն ներքին սրբութեան . ըստ այնմ՝ « ընդ զոհս և ընդ պատարազս ոչ հաճեցար . լսելիս հաստատեցեր ինձ՝ զողջակէզս՝ և զվասն մեղացն ոչ խնդրեցեր . (Սաղ . 1 Թ . 7) : Վանդի ոչ կարէր արիւն նոխազացն և ցլուց բառնալ զմեզս՝ . Աբր . Ժ . 4 :

Բայց նորս այս եկեղեցի Վրիստոսի ծողով հաւատացելոց , ունի զկատարեալ ներքին սրբութիւն և փրկութիւն 'ի մեղաց , արդեամբ ճշմարիտ պատարազին անբիծ և անարատ դառին Աստուծոյ Հիսուսի Վրիստոսի . որ բարձեալ զմեզս աշխարհի պատարազեցաւ 'ի վերայ խաչին , և անպարտական մահուամբն ազատեաց զմեզ 'ի պղծու-

Թենէ մեղաց սրբեալ արգարացուցիչ արեամբ իւրով, և արար զեկեղեցի իւր հազորդս սրբութեան իւրոյ և արգարութեան. որով ստացաւ սուրբ եկեղեցին քրիստոնէից զսրբութիւն անմեղութեան և անարատութեան գառինն Աստուծոյ: «Ահաւասիկ գառն Աստուծոյ, որ բառնայ զմեզս աշխարհի. (Յօհ. ւն. 29): Արով կամօք և մեք սրբեցաք ՚ի ձեռն պատարազի մարմնոյն Յիսուսի Քրիստոսի միանգամ. (Աբբ. Ժ. 10), Արիւնն Յիսուսի որդւոյ նորա, սրբէ զմեզ յամենայն մեղաց». Յօհ. ւն. Աթ, ւն, 7:

Չորրորդ՝ հին եկեղեցին չունէր հազորդակցութիւն ընդ գերբնական յաւիտենական և աստուածային կենդանութեան. ըստ որում տակաւին չէր ՚ի նմա աղբերացեալ և հեղեալ սրբարար շնորհքն աստուածային, որով և մարթ լինէր նոցա և հնարաւոր ստանալ տրամադրութիւն և պատրաստութիւն առ ընդունակ լինելոյ հոգևոր և երանական կենդանութեան. զոր օրինակ որպէս մարմին թափանցիկ՝ որպիսի է օդ, ջուր և ապակի, կարէ ընդունիլ զոյս արևու

և որ ոչ ունի զԹափանցական զօրութիւն՝
 իրաւապէս անընդունակ է լուսոյ . այսպէս
 և ազգն իսրայէլի շունելով զաւետարանա-
 կան կատարելութիւնս և շնորհական օրէնս,
 որ արամազրէ զմարդ առ գերբնական լոյս
 յաւիանական կենդանութեան, զրկեալ էին
 և անընդունակ անմահ երանութեան . վասն
 որոյ նմանութեամբ խօսելով Ղաւիթ ցու-
 ցանէր զայս սակասութիւն Տին եկեղեցւոյն
 յորում էր և ինքն . “Ի քէն է տէր ազբիր
 կենաց և լուսով ելևաաց քոյ անսանկը
 զլոյս” . Սաղ . լն . 10 :

Բայց նոր եկեղեցին Քրիստոսի հաղորդ
 դտաւ հոգևոր անմահ կենդանութեան աս-
 տուածային երանութեան, ՚ի ձեռն շնորհա-
 կան օրինաց աւետարանական կատարելու-
 թեան . զի այն շնորհ սրբաբար՝ որ ՚ի ձեռն
 Յիսուսի ստացաւ, արար ընդունակ և հա-
 ղորդ աստուածային գերբնական կենդա-
 նութեան : Աստի այժմ՝ արապէս և իրա-
 ւամբ ունի եկեղեցին Քրիստոսի՝ ժողովն
 հաւատացելոյ, ՚ի շնորհացն Քրիստոսի ըն-
 կալեալ զհոգևոր և զերանաւէտ կենդանու-

Թիւն . ըստ այնմ , “ Աս կենդանի եմ և դուք
 կենդանի լինելոց էք . (Յօհ , ԺԴ . 19) : Աւ
 կեանքն յայտնեցաւ , և տեսաք՝ և վկայեմք՝
 և պատմեմք ձեզ զյաւիտենական կենացն ,
 որ էր առ հօր՝ և երևեցաւ մեզ . ւն՝ Վաթ .
 Յօհ . ւն . 2 :

Հինգերորդ՝ հին եկեղեցւոյ ժողովրդոց
 միայն զերկրաւոր բարիս խոստանայր ամե-
 նարարին Աստուած . վասն զի շունէին զժա-
 ոանդաւորութիւն երկնաւոր բարութեան .
 զոլով նոցա տակաւին ՚ի վիճակ տարամեր-
 ժութեան յերկնաւոր անանց և յաւիտենա-
 կան բարեացն և փառաց . ուստի եթէ հարկ
 լինէր Աստուծոյ զարժանաւոր ոք պսակել
 բարութեամբ , զերկրաւոր բարիս միայն
 խոստանայր և զանցաւորս և եթ ցուցանէր
 ժառանգել , զմարմնաւորսն և ոչ զհոգեոր-
 սնն տալ կամէր նոցա . վասն որոյ Աբրա-
 համու՝ որ արժանի եղև պարգևս ընդունիլ
 Մատուծոյ , սակս բոլորանուէր հնազան-
 դութեան իւրոյ , տես զի՞նչ տեսակ պար-
 գևաց խոստանայ նմա Աստուած . “ Օրհնե-
 լով օրհնեցից զքեզ , և բազմացուցանելով

բազմացուցից զգաւակ քո իբրև զատեղս երկնից բազմութեամբ, և իբրև զաւազ առ ափն ծովու. և ժառանգեսցէ զաւակ քո զքաղաքս հակառակորդաց իւրոց” (ՆՅՆՆ . իբ . 17) : Սոյնպէս և նահապետին Հակոբայ զոր սիրեաց, յորովայնէ մօրն զնա ընտրեալ, խոստանայ ՚ի նշան յատուկ սիրելութեան, զմարմնաւոր և զերկրաւոր բարիս. “Օ ի զերկիրդ յորում դուզ ննջեցեր, քեզ աաց զգա և զաւակի քում. և եզիցի զաւակ քո իբրև զաւազ երկրի. և ընդաւձակեսցի ՚ի ծովակողմն, և ընդ արևելս, և ընդ հիւսիս, և ընդ հարաւ” (ՆՅՆՆ . իբ . 13) : Ըստ այսմ է և երկրորդ Օրինաց՝ (Ե . 32) : “Օ գոյշ լերուք առնելոյ՝ որպէս պատուիրեաց քեզ տէր Մատուած քո. և մի՛ խոտորիցիս յաջ, և մի՛ յահակ. ըստ ամենայն ճանապարհին՝ զոր պատուիրեաց քեզ տէր Մատուած մեր զնալ. զի հանդուսցէ զքեզ՝ և բարի աբասցէ քեզ, և երկայնօրեայք լինիցիք յերկրին զոր ժառանգիցէք” :

Իսկ նոր եկեղեցւոյս՝ քրիստոնէից, խոստանայ Հիսուս զերկնային և զաւիտենական

բարիս . ոչ զանցաւոր կեանս այս աղցաւոր
կենցաղոյս ցուցանէ ժառանգել Հեռեողաց
խրոց , այլ լուսով աւետարանական վար-
դապետութեան իւրոյ՝ առաջնորդէ՝ ի կեանս
յաւիտենականս , և տայ համարձակութիւն
եկեղեցւոյ իւրոյ հայցել և խնդրել զերկ-
նից բարութիւնս և զամենացանկալի փառս
արքայութեան իւրոյ . որովհետեւ քրիստո-
նէական շնորհ՝ որ յայանեալ և սփռեալ
է՝ ի նորս այս սուրբ եկեղեցւոջ , տայ ա-
մենեցուն աներկբայ յուսով՝ հոգւով և
սրտիւ խորհիլ և ակնունիլ երանաւէտ
վայելման երկնից արքայութեան՝ և աս-
տուածային յաւիտենականն փառաց . “Աս
եմ՝ լոյս աշխարհի . որ զայ զինի իմ , ընդ
խաւար մի՛ զնասցէ , այլ ընկալցի զլոյսն
կենաց . (Յօհ . ք . 12) : Խնդրեցէք նախ
զարքայութիւն Աստուծոյ և զարդարութիւն
նորս , և այդ ամենայն յաւելցի ձեզ . մի՛
այսուհետեւ հոգայցէք վասն վաղուին՝ զի
վաղիւն վասն իւր հոգասցի . (Սատ . ք .
33) : Քանզի երեւցաւ շնորհն Աստուծոյ
փրկիչ ամենայն մարդկան . որ խրատէ

զմեզ՝ զի ուրասցուք զամբարշտութիւն և զաշխարհական ցանկութիւն . զչաստութեամբ և արդարութեամբ և աստուածպաշտութեամբ կեցցուք յաշխարհի . և ակնկալցուք երանելի յուսոյն և յայանութեան փառաց մեծին Աստուծոյ և փրկչին մերոյ Յիսուսի Քրիստոսի” . Տէտ . ք . 11 :

Բայ ՚ի սոցունց և զբազումս զտանեմք զանդրծելի ապացոյցս անջրպետութեան և խորոցի հին եկեղեցւոյ խորայեւացւոց ընդ նորոյս սուրբ եկեղեցւոյ քրիստոնէից . նա միայն զապագայիցն ունէր զտեսութիւն , իսկ սա ներկայ ունի զանձխտելի ճշմարտութիւն . նա ՚ի յանցաւոր վիճակի դատապարտութեան էր , իսկ սա յարգարացեալ վիճակի փրկութեան կայ . նա հեռաւոր մնայր յաստուածային գերբնական պարզեաց և շնորհաց , իսկ սա կարի մերձաւոր զտաւ ամենայնի և ժառանգաւոր . Անքեցի աստանօր բաղդատութիւն մեր բանիւ սրբազան առաքելոյն Պօղոսի . եթէ “Այսուհետև ոչ էք օտարք և պանդուխտք . այլ քաղաքակիցք սրբոց , և ընտանիք Աստուծոյ” . Ափես . ք . 19 :

Գ Լ Ո Ւ Խ Գ

ԱՆՎՈՐՆԻ ԲՈՒՆԻ ԵՐԷՆՆԻ :

Սախ՝ ՚ի զինուորեալ, որովհետև յերկրի
 աստ բարոյական մարմին Քրիստոսի՝
 հաւատացեալք՝ որք անուանին եկեղեցի
 Քրիստոսի, են զինուորեալ հոգևոր ան-
 պարտելի և ամենազօր զինու աւետարա-
 նական նոր օրինաց և սրբոյ Հոգւոյն Աս-
 տուծոյ շնորհաց, և սոքօք կարողանայ ե-
 կեղեցին զօրանալ ընդդէմ սատանայական
 մոլութեանց և մարմնական հեշտութեանց,
 սոքօք արիանայ յաղթահարել և վարել
 զարբանեակս սատանայի զլայանի կամակոր
 հակառակողս ընդդէմ բացայայտ ճշմար-
 տութեան աւետարանական սրբազան բա-
 նից, ակն յանդիման բարձրացուցեալ
 զպանչելի դոճակ ուղղափառ քրիստոնէու-
 թեան՝ ունելով առաջի զամենայաղթ զօ-
 ռագլուխ իւր զտէր Յիսուս, սոքօք հան-
 դիսանայ քաջամարտիկ եկեղեցին ՚ի բարոյ-

ական և 'ի հոգևորական պատերազմունս
 քակելով զամուրս և կործանելով զամբոցս
 հոգեկորոյս մոլութեանց, երկրահակ և մար-
 մնաւոր խորհրդոց և շարաշար մոլորու-
 թեանց ճշմարտակորոյս աղանդաւորաց ։
 Եւսու զինուորութեամբ պաշտօնանի եկե-
 ղեցին յամենայն հակառակամարտից յար-
 ձակմանց, և յապահովութեան մնայ 'ի
 ճշմարիտ և յուղղափառ հաւատս քրիս-
 տոնէութեան և 'ի սրբազան աստուածաբաշ-
 տութեան . և յուսով մեծաւ տեսանէ զե-
 րանական փառաց պսակն հանդերձեալ և
 պատրաստեալ . այսու երանելին Պօղոս
 քաջալերէր զեկեղեցին յասելն . “Եւսու-
 հեռե զօրացարուր տէրամբ և կարողու-
 թեամբ զօրութեան նորա . և զպեցարուք
 զսքրոսագինութիւն Եւստուծոյ . զի կարող
 լինիջիբ կալ ընդդէմ հնարից սատանայի
 (Ափես . 5 . 10) ։ Օչն զինուորութեան
 մերոյ ոչ է մարմնաւոր . այլ զօրաւոր
 յԵւստուծոյ, առ 'ի քակելոյ զամուրս և՛ .
 ք Սորն . 3 . 4 ։

Արկրորդ՝ բաժանի 'ի յաղթական . զի

Հաւատացեալք մինչ յաշխարհի աստ են .
 իբրև զինուոր՝ սպառազինեալ շնորհիւ
 Վրիստոսի, և քաջութեամբ վանեալ զամե-
 նայն ընդգիմամարտ ակոյեանսն՝ հոգւոյ՝
 և սրբութեամբ ելեալ ՚ի մարմնոյ, լինին
 միաւորեալ ընդ Վրիստոսի և ընդ հրեշ-
 տակաց ՚ի յաղթական անդր յեկեղեցիս
 անդրանկաց ՚ի վերինն երուսաղէմ. ուր և
 ակնկալեալ սպասեն իմանալի տեսութեան
 աստուածայինն փառաց և ընդունելութեան
 կատարեալ հատուցման ՚ի հանդերձեալ
 դատաստանին՝ նորոգ ամեներջանիկ և ան-
 մահ ծննդեամբ . յորում բաշխիլ ունի անա-
 շառսպէս պսակ արժանաւոր, տրխուր ըստ
 չափու իրեանցն առօրինական շահատա-
 կութեանց : Առ այս հրճուանօք պանծայ
 սրբազան առաքեալն.՝ Օքարւոր պատերազմն
 պատերազմեցայ . զընթացսն կատարեցի ,
 զհաւատսն պահեցի . այսուհետև կայ մնայ
 ինձ արդարութեան սլսակն՝ . (ք . Տիմ . ք . 7) :
 Ահա այս ժողով երանելիացն է յերկինս
 որ կոչի յաղթական եկեղեցի . ուր երա-
 նելիք յաղթական պսակու փառաւորեալ՝

միաձայն ընդ բիւրաւոր բանակս հրեշտակաց՝ լինին փառաբանիչք սուրբ Արրորդութեան և վայելօղբ փառացն աստուածութեան . զայսօսիկ ամենայն յայտնի ցուցանեն բանք սրբազան առաքելոյն . “Այլ մատուցեալ էք ՚ի սիոֆն լեառն , և ՚ի քաղաք Աստուծոյ կենդանւոյ՝ յերուսաղէմ՝ յերկինս . և ՚ի բիւրաւոր բանակս հրեշտակաց . և յեկեղեցիս անդրանկաց զրելոց յերկինս և առ դատաւորն ամենեցուն Աստուած , և յողիս արգարոց կատարելոց . (Աբբ . ծք . 22) : Աւ սոքա ամենեքին վկայեաք ՚ի հաւատոցն չե ևս ընկալան զաւետիսն . Աստուծոյ վասն մեր լաւագոյն համարեալ՝ զի մի՛ տօանց մեր կատարեսցին” . Աբբ . ծւն . 39 :

Արրորդ՝ կարեմք զեկեղեցին բաժանել և ՚ի նիւթական . ոչ իրապէս՝ այլ յարմարութեամբ . զի չէ սա կազմեալ ՚ի բարոյական մարմնոյ Քրիստոսի՝ այսինքն ՚ի հաւատացելոց , այլ ՚ի փայտէ ՚ի քարէ և ՚ի հողոյ . ոչ ՚ի վերայ աստուածազդեցիկ բանից առաքելոց և մարգարէից հիմնեալ , այլ ՚ի

վերայ հողոյ հաստատեալ և կառուցեալ .
բայց 'ի ձեռն սրբազործ պաշտամանց և
որոց առաքելոց և մարգարէից աստուածա-
հաճոյ բանիցն ընթերցմանց և օծութեամբ
սրբարար միւռոնի , նուիրի տաճար Մջ-
տուծոյ փառաւորեալ սրբազան խորհրդոցն
մատակարարութեամբ . որոյ օրինակ էր
տաճարն Սողոմոնի և սուրբ սիօն վերնա-
տունն . յորում համախումբ դումարին
հաւատացեալք յաղօթս և 'ի միաբանական
փառարանութիւնս ամենակալին Մատուծոյ .
'ի յունկնդրութիւն աւետարանական կեն-
սաւէտ բանին և քրիստոնէական ողջամիտ
վարդապետութեան : 'Ի սմա ժողովին
քրիստոսասէրք ակնկառոյց անյազ փափաք-
մամբ , ջերմեամեղն հանդիսիւ անսանել
զկատարումն սրբարար խորհրդոյ անուհ
պատարագին երկնաւոր դասին , 'ի բարձրա-
խորհուրդ սեղանն սրբանուէր . որով լինի
փրկութիւն մեզաց կենդանեաց և ննջեցե-
լոց : Աւստի փոխանունարար առեալ յանուն
բնակողաց՝ զբնակարանն կոչեմք եկեղեցի .
բայց միայն որոշեմք նիւթական անուամբ

'ի զինուորականէն և 'ի յաղթականէն : Ունի
 և այլ զանազան անուանս պանծալիս , այս
 նիւթական սուրբ եկեղեցի . կոչի տուն Աս-
 տուծոյ , յարկ սրբութեան , տեղի փառա-
 բանութեան , բնակարան հրեշտակաց , քա-
 ւարան մեղօք պարտաւորելոց , և սիրածո-
 ղով խմբարան կատարեալ հաւատացելոց :
 Շատ համարեալ զասացեալս ցայս վայր՝
 ունինդիցուք աստանօր վկայութեանց : “Տուն
 իմ տուն աղօթից կոչեսցի . (Մատ . իմ .
 13) : Այսին յորժամ 'ի մի վայր ժողովիցիք
 յեկեղեցին . . . : Աւարդ՝ 'ի ժողովելն ձեզ
 'ի միասին , ոչ է տուն տեառն ձեզ տեղի
 հաց ուտելոյ . . . : Միթէ տունս ոչ ու-
 նիցիք ուտելոյ և ըմպելոյ . եթէ զեկեղե-
 ցեան Աստուծոյ արհամարհէք” . Թ . Կորն .
 ԺԹ . 18 :



Գ Լ Ո Ի Խ Ե

Յաղագս շնորհաց սուրբ Էլիզեցոյն Վրիստոսի :

Օ ինուորեալ եկեղեցին Վրիստոսի՝ յա-
 ղէա կարէ պարծիլ յաստուածային
 ձրիատուր պարգևս զանազան շնորհաց, որ
 միշտ յաստուածային մարդասիրական բա-
 բերարութենէն ծաւալի ՚ի վերայ եկեղեցոյն
 իբրև զբազմաճաճանչ ճառագայթս արևու-
 զի նովաւ աճի և զօրանայ եկեղեցին ՚ի
 սքանչելի գործս զանազան և բազմատեսակ
 առաքինութեան . նովաւ հաստապինդ և
 անշարժ մնայ ՚ի կոչումն աւետարանական
 և ՚ի ճշմարիտ հաւատս . նովաւ գտանի հա-
 ղորդ երկնաւոր աստուածային և դերբնա-
 կան բարեաց և փառաց . և նովաւ յաս-
 տուածատեսակ նմանութիւն վերամբառնայ
 ըստ աստուածաբանին Վիոնէսիոսի : Աստի
 պարտաւորի եկեղեցին ճանաչել զձրիատուր
 շնորհս Աստուծոյ, և զոհանալ զպարգևս-
 զէն գերբնական ձրիցս . որով մեծացեալ

և ճոխացեալ գտաւ յաստուածդիտութիւնս
 և յաստուածսպաշտութիւնս կատարեալ ա-
 մենայն մասամբք : “Գոհանամ՝ զԱստու-
 ծոյ իմոյ յամենայն ժամ վասն ձեր՝ ՚ի վե-
 րայ շնորհացն Աստուծոյ, որ տուեալ են
 ձեզ ՚ի Քրիստոս Յիսուս, զի յամենայնի մե-
 ծացարուք դուք նովաւ՝ ամենայն բանիւ և
 ամենայն զիտութեամբ” . Իմ Աորն . Իմ . 4 :

Այս շնորհաց և աստուածային սպարզեաց
 յայանութիւն՝ նորոգիչ է հոգւոց , և լու-
 սաւորիչ մտաց . հալածիչ մեղաց , և մաք-
 րիչ խղճի մտաց . յայանիչ ունայնութեան
 կենցաղոյս , և երեւցուցիչ յաւիտենական
 փառաց . ՚ի սմա՝ քաջալերին առաքինիք
 անխոնջ յառաւելն փութալ ՚ի յառաջագի-
 մութիւնս երկնաբերձ առաքինութեանց . և
 ՚ի սմա լուսաւորեալ մտօք՝ բացէ ՚ի բաց
 մերժեն զմոլորութիւնս և զհետ լինին ճանա-
 սպարհացն արդարութեան : Սովաւ Սօղոսն՝
 Պօղոս անուանեցաւ , և հալածինն եկեղեց-
 ւոյն Քրիստոսի՝ սքանչելի քարոզիչ բանին
 կենաց . սովաւ լքեալ թողին զհեշտութիւնս
 աշխարհի մաքսաւորք և մեղաւորք , և խա-

շարարձ հետեւեցան Քրիստոսի . սովաւ զօ-
 րացան զունդք մարտիրոսաց հեղուլ զա-
 րիւնս իւրեանց . սովաւ զրին անուանք խոս-
 տովանողաց յերկինս 'ի գպրութեան կենաց :
 Եւ յաղագս այսր պարզեաց մարդասիրա-
 կան բարերարութեանցն Աստուծոյ , լնբ
 վկայութեանցս : "Օ ի շնորհօք նորա էք փրո-
 կեալք 'ի ձեռն հաւատոյ . և այս ոչ 'ի ձէնջ'
 այլ Աստուծոյ պարզե է . ոչ 'ի գործոց' զի
 մի' որ պարծեսցի . (Ափես . ի . 8) : Այլ
 յորժամ կամեցաւ Աստուած , որոշեաց զիս
 յորովայնէ մօր իմոյ , և կոչեաց 'ի ձեռն
 շնորհաց իւրոց" . Գաղ . ւն . 15 :

Ապաքէն ընդ վայր բարբանջել ժպրհե-
 ցան մոլորական բանիւք իւրեանց Պեղա-
 գեանք և Ախսապեղագեանք . որք զմոլորա-
 շաւիղ կարծիս իւրեանց համարէին հաս-
 տատել' եթէ լոկ բնական զօրութեամբ և
 ոչ շնորհօք Աստուծոյ յաջողի մարդկան
 գալ 'ի հաւատս , և բարւոք շարժիլ կամաց
 յաստուածպաշտութիւնս , և յառաջանալ 'ի
 Կրծս բարութեան . որոյ ընդգէմ ելեալ
 զօրաւոր բանիւք աւետարանական ճշմար-

առութեան սրբազան վարդապետք եկեղեցւոյ՝
 Ըմբերանեալ յաղթեցին նոցա . և զՄուս-
 րութիւնս նոցին հերքեցին յեկեղեցոյն
 Վրիստոսի , հաստատելով՝ եթէ անբաւական
 և անզօր է մարդ՝ ինքնին իւրով ուշիմու-
 թեամբ խորհիլ զաստուածային և զսարե-
 վախճան ինչ՝ առանց բաւական շնորհացն
 Աստուծոյ . արդեամբք իսկ ցուցանելով
 յայանապէս զճշմարտութիւնս բանից աւե-
 տարանական և առաքելական վարդապետու-
 թեան . զորս ահաւասիկ և մեզ է տեսանել
 զսակաւս ՚ի բաղմաց աստանօր : “Առանց
 իմ ոչինչ կարէք առնել . (Յօհ . ժե . 5) :
 Իբրև ոչ եթէ անձամբ բաւական եմք խոր-
 հել ինչ իբրև ՚ի մէնջ , այլ բաւականութիւն
 մեր յԱստուծոյ է . (ի Աորն . 7 . 5) :
 Աշրանի քեզ Ախմն որդի Յօնանու . զի մար-
 մին և արիւն ոչ յայտնեաց քեզ՝ այլ հայր
 իմ որ յերկինս է” . Մատ . ՅԳ . 17 :

Գ Լ Ո Ւ Խ Թ . Թ .

Յողաֆոս սահմանի շնորհաց :

Շնորհն համառօտիւ սահմանի ըստ աստուածաբանից՝ «Գերբնական պարգև Աստուծոյ , ձրիապէս տուեալ բանական ստեղծուածոց իւրոց , յաղագս յաւիտենական փրկութեան 'ի ձեռն արդեանցն Վրիստոսի» :

«Գերբնական» ասելով , որոշեցաւ 'ի բնական պարգևացն Աստուծոյ , որպիսի է արարչագործութիւն՝ որով հաստեալ զամենայն բնական և զգալի բարիս իրբև պարգևս արտաքին վայելչութեան՝ շնորհեաց բանական ստեղծուածոց առ 'ի ոչևս կենցաղավարութեան իւրեանց . զորս վայելեալ զոհացին զարարչէն ամենեցուն : Մոյնպիսի է ինամբ և պահպանութիւն , և ազգի ազգի բնական ձիրք հոգւոյ և մարմնոյ . զի միտք և կամբ , աստուածային ձիրք են հոգւոյն և ներգործութիւն նորին է զգալ , մտածել :

Ճանաչել, յիշել, կամփլ, և գործել. և գերազոյն քան զայսոսիկ է ձիրն անմահութեան : Սոյնպէս և 'ի մարմնի է տեսանել զլատուկ ձիրս, որ է ուղղաբերձ հասակին վայելչութիւն, զցայարանացն ազնուական իմն յարմարագրութիւն, որով գեղեցիկս հանդիսանայ առաւել քան զամենայն կենդանիս : 'Ի սոցին սակի են և այլ ամենայն բնական բարիք խնամոյն Աստուծոյ, որ և ասին շնորհք տիրապէս, կամ ձրի պարգևք Աստուծոյ, որ հասարակ է բարեաց և չարեաց : Իսկ յաստուածաբանից գերբնական շնորհք ասի առասարար այն ամենայն ձրի պարգևն Աստուծոյ, որ 'ի վեր է քան զամենայն կարգս բնութեան :

“Չրի տուեալ” ասելով յայանի լինի, զի որպէս բնութիւնն ձրիապէս պարգևեցաւ իւրաքանչիւր անձանց խնամօք արարչին, ըստ այնմ, “նա արար զմեզ և ոչ մեք էաք” (Սաղ. զթ. 3). նոյնպէս և շնորհք նորա է միշտ ձրի մատակարարեալ մեզ 'ի բարբարութենէ նորին և ոչ արդեանց մերոց ստացուած :

“Բանական ստեղծուածոց” ասելով յայտնի եղև եթէ ոչ ամենայն էակ է ընդունակ շնորհացս, այլ միայն բանականք՝ որոց հոգիք են անմահ, և ճոխացեալ զարդարեալ մտօք և կամօք. որով կարողանան ճանաչել և ընտրել զզերացոյն յարգ շնորհաց, և փափագանօք յարիլ ՚ի նա՝ և յարգանօք դանձել զնա և սլահել իրրև իսկական միջոց հասուցանող առ երանաւէտ վախճան իւրեանց, և իրրև երկնաբերձ սանդուղք յաւիտենական կենաց. որով լինի հասանիլ ՚ի փառս երկնից արքայութեան. վասն որոյ ասացաւ “յազազս յաւիտենական փրկութեան”։ Ըյս ամենայն սահման հայի առանձինն միայն առ զեղումն զերբնական շնորհացն, որ առաջնորդէ ՚ի յաւիտենական փառս. առ այս վայելչանան բնքս վկայութեանց։ “Օ ի արդարացեալք շնորհօքն՝ եղիցուք ժառանգաւորք յուսով կենացն յաւիտենականաց. (Տիտ . Կ . 7)։ Եւ Ըստուած ամենայն շնորհաց՝ որ կոչեաց զձեզ յիւր յաւիտենական փառսն, Յիսուսիւ Քրիստոսիւ”։ Պետ . Կաթու . Ե . 10 :

Ապարէն այսր զերբնական պարզևաց
 ձրիական շնորհաց, մերձաւոր և ընդունակ
 եղև եկեղեցին 'ի ձեռն բազմատեսակ ար-
 զեանց սքանչելի մարգեղութեանն Վրիստո-
 սի . վասն որոյ 'ի սահմանն յարեցաւ, "ի
 ձեռն արգեանցն Վրիստոսի". ըսա որում
 Վրիստոս բացարձակ և ընդհանուր գլուխ
 է եկեղեցւոյն, և եկեղեցին բարոյական
 մարմին է նորա . ապա տիրապէս հոսէ գհան-
 բական շնորհս իբրև գլուխ յանդամն իւր .
 վասն որոյ եկեղեցին, կամ ժողով հաւատա-
 ցելոց, պարտին ճանաչել եթէ զեղմունք և
 լիութիւն շնորհաց են գործ և պտուղ հրա-
 շաղարդ մարգեղութեան կենարարին մերոյ
 Յիսուսի . և նա է սկզբնական պատճառ շն-
 ուրհաց և փառաց մերոյ: "Ի լրութենէ ան-
 տի նորա մեք ամենեքին առաք շնորհս փո-
 խանակ շնորհաց: Շնորհք և ճշմարտու-
 թիւն 'ի ձեռն Յիսուսի Վրիստոսի եղին .
 (Յօհ . ւն . 16): Օյ 'ի նմա բնակէ ամե-
 նայն լրումն աստուածութեան մարմնապէս .
 և էք դուք նովաւ լցեալք, որ է գլուխ
 ամենայն իշխանութեան և պետութեան".
 Կողոս . ք . 9 .

Գ Լ Ո Ւ Խ Է

Յողափո Քածանճան շնորհացն :

Շնորհքն բաժանի պարզապէս՝ նախ
 յարտարին և ՚ի ներքին : Ըրտարին
 շնորհքն է ձրիական բարեգլխութեանն Ըս-
 աուծոյ և դերբնական նախախնամութեանն
 գործ զարմանալի . որոյ ստացողք բարոյա-
 պէս և արտաբուստ բացայայտ ցուցանեն
 զարդիւնս նորին՝ իբրև ծառ ինչ անկեալ և
 արմատացեալ ՚ի գնացս ջուրց , որ ՚ի ժամու
 պտղաբերս երևեալ վայելչանայ . որպիսիք են՝
 համբերողք արիարար բազմազան և մեծա-
 մեծ վշտաց՝ փորձութեանց՝ և հալածանաց .
 նպաստամատոյցք և ողորմաճք առ անօգնա-
 կան կարօտեալս , և ո և զոհաբանք ՚ի վիճակի
 չքաւորութեան՝ իբրև առատութեամբ բար-
 եաց լիացեալս : Օւայսպիսի արտաքին աս-
 տուածային շնորհացն արդիւնս գործոց և
 առաքինութեան՝ եցոյց եկեղեցին մակեղով
 նացուոց , այսինքն հաւատացեալք ՚ի Մակե-

դովնիա . զորոց բարեպաշտութեանն զյործս
 դովասանական բանիւ հրատարակէ սրբա-
 զան առաքեալն Պօղոս՝ շնորհս կոչելով զա-
 ռաքինութիւնս նոցին , զսլամճառն փոխա-
 նակ գործոյն առեալ : “Յուցանեմ՝ ձեզ
 եղբարք զշնորհսն Մատուծոյ , որ տուեալ
 են եկեղեցեացն մակեդովնացւոց . զի մեծաւ
 հանդիսիւ նեղութեան՝ առաւելութիւն խըն-
 գութեանն նոցա , և ծանր աղքատութիւն
 նոցա՝ առաւել եղև ՚ի մեծութիւն առատու-
 թեան նոցա” . ք Աորն . ք . 1 :

Մտաքին շնորհ աստուածային և սքան-
 չելի մարդասիրութեանն յայտնեցաւ ազգի
 մարդկան , մարդեղութեամբ կենարարին մե-
 թոյ Յիսուսի . արդարև շնորհ մեծ պար-
 դեկցաւ յայտ յանդիման աշխարհի ՚ի ծնա-
 նելն ՚ի սուրբ կուսէն , ՚ի կոչին որդի մար-
 դոյ , և դառն Մատուծոյ բարձող մեղաց
 աշխարհի . ՚ի սքանչելի հրաշագործութիւնս
 և ՚ի կենսատու վարդապետութիւնս . ՚ի կա-
 մաւոր չարչարանսն և ՚ի փրկարար խաչե-
 լութիւնն . յամենազօր յարութիւնն , և ՚ի
 մեծահանգէս ինքնիշխան համբարձումն . ՚ի

լիութեանց այսր արտաքին շնորհարաշխութեան (Յիսուայի փրկչին մերոյ՝ յաջողեցաւ և մեզ վերածելի՛ն ՚ի մահուանէ՛ ՚ի կեանս , ՚ի վիճակէ գառապարտութեան՝ ՚ի վիճակ փրկութեան . յանարգութենէ մեղաց՝ ՚ի ժառանգութիւն աստուածային փառաց : Օչոյս ցուցանեն յայանի բանքս վկայութեանց՝ “Աւ բանն մարմին եղև՝ և բնակեցաւ ՚ի մեզ . և անսաք զփառս նորա՝ զփառս իբրև զմիածնի առ ՚ի հօրէ՛ լի շնորհօք և ճշմարտութեամբ . (Յօհ . ւն . 14) : Քանզի երևեցաւ շնորհն Աստուծոյ փրկիչ ամենայն մարդկան” . Տիտոս . ք . 11 :

Ներքին շնորհքն է ձիրք աստուածային գերբնական պարգևաց՝ շարժիչ և զօրացուցիչ կամոց և յօժարութեան ՚ի ներքուստ , որով յաջողի գործն յարդարութիւն և յուղղութիւն , և խափանին արգելք բարեվախճան գիտաւորութեանց . որով ամենայն որ սեպհականէ արդեամբ զփրկութիւն հոգւոյ և զփառս երկնից : Աւ ահա այս անպարտելի զօրութիւն՝ էր պարգև սրբոյ Հոգւոյն Աստուծոյ . զոր խոստանայր Յի-

քու առաքելոց իւրոց 'ի բարձանց անտի՛
 հեղուլ 'ի նոսա՛ առ 'ի կացուցանել զնոսա
 անվանելի յամենայն հակառակութեանց և
 'ի թշնամեաց : “Նւ ահա ես առաքեմ՝ զա-
 լեաիս հօր ինոյ 'ի ձեզ, և դուք նստարուք
 յԱշուտաղէմ՝ մինչև զգեներացուք զզօրու-
 թիւն 'ի բարձանց . (Ղուկ . ի 48) : Յա-
 մենայնի կարող եմ, այնու՛ որ զօրացոյցն
 զիս” . Փիլիպ . 4 . 13 :



ԳՆՈՒԽ Բ

Յողագոս Բաժանման Դեղսին շնորհաց :

Ներքին շնորհն բաժանի 'ի ներգործական , 'ի սրբարար , 'ի ձրխատուր և 'ի գործադիր :

“Ներգործական” շնորհն է՝ լոյս իմն գերբնական ծագեալ յաստուածային անսահման բարութենէ անտի , և ներգործեալ 'ի հողիս . սմա է տիրապէս շարժել գերբնական ունակութեամբ զընդունողս 'ի ճանաչումն ճշմարտութեան , որով անխափան դիմէ յաստուածարանական առաքինութիւնս , այսինքն 'ի յողջափառ հաւատս քրիստոնէութեան , յաներկբայելի յոյս խոստացեալ երկնաւոր բարեաց և 'ի կատարեալ սէրն՝ 'ի նուիրելին առ Աստուած և առ ընկերն . առ Աստուած՝ իբրև առ ծայրագոյն բարին . և առ ընկերն՝ իբրև առ պատկերակիցս Աստուծոյ :

Այսու ներգործական շնորհիւ դիւրբմ-

բըռնելի լինին մտաց , ամենայն գերբնա-
կան ուամունք . սովաւ յաջողի ինքնայօժար
քերիլ կամաց յանձնանուէր ծառայութիւն
աստուածային անժխտելի հրամանաց . առ
որ վերածին այսօրիկ բանք վկայութեանց ։
“Գրեալ է ՚ի մարգարէս , և եղիցին ամե-
նեքեան ուսեալք յԱստուծոյ . ամենայն որ
լսէ ՚ի հօրէ և ուսանի , գայ առ իս . (Էօհ .
գլ . 45) ։ Իսկ մտիթարիչն Հոգին սուրբ ,
զոր առաքեսցէ Հայր յանուն իմ , նա ու-
սուցէ ձեզ զամենայն . և յիշեցուցէ զա-
մենայն՝ զոր ինչ ասացի ձեզ . (Էօհ .
ժգ . 26) ։ Ալին ոմն անուն Ղիզիա ծի-
բանալաճառ՝ ՚ի թիւատիր քաղաքէ՝ երկիւ-
ղած յԱստուծոյ՝ լուաւ . զորոյ Տէր իսկ
երաց զսիրտ անսալ խօսիցն Պօղոսի” .
Գործ . ժգ . 14 ։

“Սրբարար” շնորհն է՝ գերբնական ընդու-
նակութիւն հեղեալ և ծաւալեալ ՚ի հոգիս
հաւատացելոց՝ և մերձաւորելոց ՚ի սրբարար
և արդարացուցիչ խորհուրդս ապաշխարու-
թեան , և հաղորդութեամբ մարմնոյ և ա-
րեան կենարարին մերոյ Յիսուսի . որով լինի

Տոգնեղէն բնութեանս հաղորդիլ աստուածեղէն անեղ և ամենակատար բնութեանն • Ըյս սրբուրար հեղումն շնորհաց 'ի մարգասիրական գթութենէն Լստուծոյ առ հոգիս մեր, կացուցանէ զմեզ ժառանգս յաբխանական երանութեան, և ժառանգակիցս Ախուսի Քրիստոսի Տեառն մերոյ • առ այս յարմարին բանքս : “ Հայր՝ զորս ետուրն ինձ, կամիմ” զի ուր եսն եմ, և նոքա իցեն ընդ իս. զի տեսանիցեն զփառս իմ զոր ետուրն ցիս : (Յօհ. ԺԷ. 24), Իսկ եթէ ընդ լոյս գնացեմք՝ որպէս և նա 'ի լոյս է, հաղորդութիւն ունիմք ընդ միջանս. և արիւնն Ախուսի որդւոյ նորա սրբէ զմեզ յամենայն մեղաց. (Յօհ. ւն կաթու. ւն. 7) : Ար փրկեացն զմեզ, և հոշեաց զմեզ 'ի կոչումն սուրբ. ոչ ըստ զործոց մերոց՝ այլ ըստ իւրում յառաջադրութեանն և շնորհաց՝ որ տուաւ մեզ 'ի Քրիստոս Ախուս յառաջ քան զժամանակն յաբխանից” • ք Տիմոթ. ւն. 9 :

“Չրիատուր” շնորհքն է պարզ և զերբնական տուեալ յԱստուծոյ յամենախնամ

բարեգլխութենէն , առ 'ի տնօրինել նովա
 Կիրկութիւն այլոց . վասն որոյ 'ի ձեռն
 ստացողի ձրխատուր շնորհացս՝ արասպէս
 յաջողի բազմաշահ օգուտ հողեր բարեաց
 և առաքինութեանց բազմաց ունկնդրաց և
 հեանողաց ողջամիտ վարդապետութեանց
 հոգևոր և բարոյական խրատուց շնորհա-
 զարգելոցն : Այլ յոլովք 'ի պարգևացս շնոր-
 հեցան յաւէտ առաքելոց և առաքելաշնորհ
 վարդապետաց և աստուածազան արանց
 սրբոց , հոգևոր հովուաց և բարեջան ու-
 սուցչաց . և այս ձրխատուր շնորհ ունի
 զզանազան բաժանմունս որոշելոյ պաշտա-
 մանց ստացողաց նորին , որպէս զճառ ինչ
 բազմաճիւղ ուսճացեալ և պարարտացեալ .
 զոր յայանի ցուցանէ սրբազան առաքեալն .
 “ Թէպէտ և բաժինք շնորհաց են , այլ
 հոգի նոյն է . եթէ բաժինք պաշտամանց
 են , այլ Տէր նոյն է . եթէ բաժինք յա-
 ջողութեանց են , այլ Աստուած նոյն է .
 որ յաջողէ զամենայն յամենայնի . բայց
 իւրաքանչիւր ումէք առեալ է յայտնու-
 թիւն հոգւոյն՝ առ իւրաքանչիւր օգուտ” ևս .
 ան Աորն . ժր . 4 :

Ի միոյ հոգւոյ զեղանի այս յողնատե-
սակ ձրիապարդ և շնորհ . ըստ արժանաւո-
րութեան և զօրութեան ատողին՝ վասն հա-
սարակաց օգտի և ՚ի պայծառութիւն ե-
կեղեցւոյ . յազնոս որոյ իւրաքանչիւր ըն-
դունողք ՚ի շնորհացս՝ իրրև զհաւատարիմ
հաղարապետս և բարւոք պաշտօնեայս զա-
նազան շնորհացն Աստուծոյ , պարսին մա-
տակարարել զնոյն ՚ի փառս Աստուծոյ և ՚ի
չաճ ընկերին . զի այն է կամք մարդասէր
պարգեւողին : Ուստի սրբազան առաքեալն
Պետրոս բացայայտ յորդորէ զամենայն
շնորհընկալս , չզանալ զնոյն յեղատրոյ իւրոց
այլ աննախանձ նուիրել կարօտելոց , որպէս
և պահանջէ ուղիղ կանոն եղսայրսիրու-
թեան և մարդասիրութեան : “Իւրաքան-
չիւր որ որպէս և ընկալաւ շնորհս ինչ ,
զնոյն մատակարարել իրրև զբարւոք հա-
ղարապետս պէտքէս շնորհացն Աստու-
ծոյ” . ան Աթմաւ . Պետ . 5 . 10 :

“Գործադիր” շնորհքն է՝ օժանդակիչ և
զօրացուցիչ ակարագոյն և վայրահակ բնաւ-
թեան մերում՝ առ անդանդաղ և անխորշ

Հետևիլ բարեսիրութեան , և 'ի բաց մեր-
 ժեւ զչարութիւն . կոչի սա և շնորհք հա-
 ճոյարար . ըստ որում՝ զստացողին շարժե-
 զկամս 'ի բարին , և ուղղէ զվարս և առնէ
 աստուածահաճոյս : Սա տայ մասց խոր-
 հիլ զհաճոյս Աստուծոյ և փութացուցանէ
 արիանալ 'ի պէսպէս առաքինութիւնս և
 գործով յայանել զյարգ նորին : Սա է
 իբր անդեղայ թունից մեղաց . սա՛ որպէս
 փող աւաղափող զարթուցիչ է խղճի մասց
 որոշել զբարին 'ի շարէն , զճշմարտութիւնն
 'ի ստութենէ . և յարգարէ զընդունողն
 լինել ճշմարտասէր և բարեգործ . սովաւ
 զանձին 'ի հողին ամենայն տեսակք առա-
 քինական և բարոյական փարժամութեանց .
 "Աչ կարէ մարդ առնել յանձնէ և ոչ
 ինչ , եթէ ոչ իցէ տուեալ նմա յերկնից
 'ի վերուստ . (Յօհ . 4 . 27) : Օյ որք
 մարմնաւն են , Աստուծոյ հաճոյ լինել ոչ
 կարեն . բայց դուք ոչ էք մարմնով՝ այլ
 հողով , եթէ իցէ Հողին Աստուծոյ 'ի
 ձեզ բնակեալ" . Հոով . ը . 8 .

Հայեաց յերկինս . կարես՝ թուել ար.

գեղք զատեղս . նոյնպէս և զՄատուծոյ
 շնորհացն տեսալիս . ահա՛ այս ամենայն բար-
 ժաւանսակ շնորհքն Մատուծոյ կարողանալց
 գործել զբարին և հասանիլ 'ի կեանս և
 'ի փառս յաւիտենական երանութեան :



Գ Լ ՈՒ Խ Թ

Յողաժնս զԷդչ լինելոյ ՚ի շնորհս Աստուծոյ :

Աստուած մարդասէր և ամենաբարին կամի , զի ամենայն մարդիկ կեցցին ՚ի յաւիտենական կեանս , և կացցին հաստատուն ՚ի դիտութիւն ճշմարտութեան . և լինին հաղորդ և ժառանգ բարութեան և փառաւորութեան իւրում . ուստի ոչ յուսեք : զլանայ զշնորհ իւր , և ոչ երբէք սակասի ՚ի սարգեւելոյ զնոյն : Բայց բազում անգամ մարդիկ սակասին յաստուածային և ձրիական շնորհաց անտի . գնելով արդելս զանհոգութիւն և զչարութիւն կամաց հակասակ աստուածային անշափ և ամենաբաւական առատաձեւնութեանն : Արեւու է գործ՝ լուսաւոր ասնեկ զամենեօին . իսկ սր փակէ զպատուհանս ընդդէմ լուսոյ նորին , հարկաւ դրկի յաշխարհաճաւալ լուսափիւս ճառագայթից նորին : Ապա ոչ ինչ կարող է զրկել զձեզ յաստուածային

զանազան շնորհացն , բայց եթէ թիւր և մոլար գնացք մեր և շարախաաժատ վաշք :

Մտաւած անհատահոս աղբիւր է բազմազեղ շնորհաց , զկարօտեալան կոչէ առ ինքն ասելով . “Աթէ որ ծարաւի իցէ եկեսցէ առ իս և արբցէ” . (Յօհ . Է . 37) : Ապա սարա է մեզ առանց ծուլութեան և պղերդութեան մաաչիլ առ աղբիւրն շնորհահոս , և ընդունիլ անտի զգարկան զայն ձրիատուր և կարեոր փրկութեան մբում : Այլնդունակ է աստուածային շնորհաց սիրտ լիացեալ աշխարհային սիրով և երկբաւոր ցանկութեամբ , իբրև անօթ ինչ զեղուն՝ յորում չէ հնար ընուլ այլ ևս զանազակ ինչ ըմպելի պատուական : Ապահեղ յանօթոյ սրտէ քումմէ զնոտի հեշտութիւնս աշխարհասիրութեան , զի ընկացիս զլիութիւնս շնորհաց , և լիցի սիրտ քօ անօթ ընտիր և ընդունարան պիտանի երկնաւոր բարեաց : Յօժարափոյթ և պատբաստ է ծայրագոյն բարութիւնն Աստուծոյ առատաձեռնել մեզ զկարեոր բարիս մեր և լիացուցանել արտաքին և ներքին պարգևօք :

բոլոր խնդրէ 'ի մենջ միայն զհետեւութիւն
 կամաց մերոց 'ի բարին , 'ի բաց մերծել
 զընդունայն սփոփանս աշխարհի , և զչար
 խորհուրդս 'ի մտաց , անբունադատ անձիշ-
 խանական կարողութեամբ մերով . զի ըստ
 Սիրաբայ' (ժէ . 6 .) Ըստուած , որ ըս-
 տեղծ գնեզ ' ելից զսիրտ մեր զզօնութեամբ .
 և 'ի ձեռս անձնիշխան զօրութեան մերում
 յանձնեաց ընտրել ազատ կամօք զբարին
 'ի շարէն , զոյսն 'ի խաւարէն այլովքն հան-
 դերձ : Թողում ասել զընական օրինաց ,
 որ ներքին ազգեցութեամբն վարդապետէ
 յօժարութեամբ սրտի քո՝ վկայութեամբ
 մտաց քոց (Հոով . ք . 15) . ընտրել
 զլան 'ի վատթարէն և զուղիղ ճանապարհն
 փրկութեան 'ի մոլար դնացից կորստեան .
 և խրատէ , զի զոր ոչ կամիս դու՝ եթէ
 այլք արասցենք քեզ , և դու մի՛ զնոյն յօ-
 ժարեսցիս առնել այլոց : Այթէ ճանաչես
 զպատիւ և զանարգանս քո , չյօժարիս
 անարգիլ , և խնդրես զպատիւ քո . ապա
 կարես ընտրել զբարին և ատել զչարն .
 հեռանալ 'ի մոլութեանց՝ և փարիլ զառա-

քիւսութեամբ . որով լինիս պատրաստեալ
առ ընդունելութիւն աստուածային ձրիա-
պարզ և շնորհաց :

Յասացելոցս աստի կամիմ հետեւեցու-
ցանել , եթէ ամենաբարի բնութիւնն կամի
առատաձեռնել 'ի քեզ զպէսպէս բարիս
երկնաձիր շնորհաց իւրոց . բայց կամի՞ զի
և զու աղատ կամօք քովք ընթացակից լի-
ցիս մարդասէր և բարերար կամաց իւրոց :
Առ այս օրինակաւ յորդորէ զմեզ լուսաւոր
մեկնիչն մարդարեութեան Ասայեայ , Գէորգ
շնորհապերճ վարդապետն մեր , 'ի մեկնու-
թեան անդ յասելն . "Օ, որ օրինակ չէ
հնար լուսոյ լուսաւորել զաչս , եթէ ոչ
նախ աչքն առողջ իցեն , նոյնպէս և Աս-
տուծոյ խնամքն ոչ ճանաչի մեզ . եթէ ոչ
միտքն 'ի ներքս առողջ իցեն մեզ" : Այս
մի՛ լիցի քեզ յետսամտութեամբ զաշխար-
հայնովքս զբաղիլ , և սնտտի պատճառանօք
ծուլանալ յառաքինական գործոց , և պա-
կասիլ 'ի բարի դիտաւորութեանց և յաս-
տուածահաճոյ առաջարկութեանց : Աս-
նիր զվայրկեանն , ծանխք և զյաւիտենա-

կանն . ստացիր զփոյթ և զջան առ հոգ-
ւոյդ փրկութիւն . հեռացիր 'ի խաբուսիկ
հրճուանաց աղցաւոր և սնտաի կենցաղոյս .
Դառնասցին քեզ մարմնական հեշտու-
թիւնք , և քաղցրասցին հոգևորական խոր-
հրդածութիւնք . և յայնժամ ուղիւօրէն
հոսեսցին 'ի հոգիդ յառատարուղիս աղքե-
րէն կենաց՝ յորդութիւնք շնորհաց . յորմէ
բողբոջին բեղմնաւոր ոստք առարկինութեանց
ընծայել զհոգևորական պտուղս անմահ .
կենդանութեան : Համարձակեա'ց՝ վստահ
լեր 'ի բո բարեսրտութիւն և յառարկնա-
սէր յօժարութիւն . և մի՛ երկբայիր անշուշտ
ստանալ զշնորհս փրկութեան և երանու-
թեան յանսահման միծութենէն Նստուծոյ .
Չզոյշ լեր շինալ յետս՝ յառատաձեռն
բարերարութեանց անտի Նստուծոյ . զզոյշ
լեր շարգելուլ և շմերժել 'ի քէն զերկնաձիր
զանսպառելի և զհոգեշահ գանձուցն զստա-
ցումն , անհոգութեամբ քով և կամայաշ-
տութեամբ . զրեա՛ զայս աստուածարանա-
կան առած 'ի միտս քո , եթէ " Ար յոշէից
արար զքեզ առանց քեզ՝ ոչ փրկեսցէ արգ

և զքեզ՝ անանց քեզ՝ : Արդիւնաւորի անձն
 և ընդունի զայս երկնային պարզե ձրիա-
 կան , եթէ ունիցի զըստի կամս ընթացա-
 կից անդանդաղ հետևող այնր շնորհաց .
 Զօրինակաց աստի սրբազան գրոց յայտնի
 լինին ասացուածք մեր : Կամնցաւ Աստուած
 ապրեցուցանել զՆոյ հանգերձ ընտանեօք
 իւրովք 'ի համաշխարհական ջրհեղեղէն .
 բայց հրամայէ նմա ձեռօք իւրովք աշխատ
 լինել 'ի մեծագործ շինուած տապանին 'ի
 փրկութիւն անձին իւրում . (Նոն . Կ . 14 .)
 Կամի սրբել զԱլեքսան 'ի սաստիկ բորո-
 տութենէն 'ի ձեռն մարդարէին Աղիսէի .
 բայց հրամայէ , զի և նա երթիցէ և լուս-
 ցի 'ի Զորդանան եօթն անգամ . (Կ թագ .
 Կ . 10) : Ամենափրկիչն Զիսուս մարդա-
 սիրական և բարեխնամ կամօք յօժարեցաւ
 բանալ զաչս 'ի ծնէ կուրին . բայց հրա-
 մայէ , զի և ինքն երթիցէ և լուսացէ զաչս
 իւր յաւազանին Սելովմայ , առ 'ի աշխատ
 լինել և նմա առ լուսաւորութիւն աչաց
 իւրոց . Զօհ , Թ . 7 .

Արժան է՝ և հարկ 'ի վերայ կայ ամե-

նայն փափաքողաց աստուածային շնորհաց, ճանաչել՝ եթէ իւ իւրք և կամ որով միջոցաւ կարէ հետեիլ շնորհացն, և ապահովիլ ՚ի միտս, եթէ արժանի է և ընդունակ երկնազեղ պարգևացն. վասն որոյ շնորհատենչ անձանց պարտ է զգուշութեամբ սեպհականել յանձին զայսոսիկ աստուածահաճոյ բարեկրթութեան զհոգևոր ունակութիւնս. այսինքն զսէր եռանդնոսունիլ առ Աստուած ՚ի բոլոր սրտէ և յամենայն մտաց՝ հանդերձ պատուիրանապահութեամբ. (Յօհ. ԺԴ. 23)։ Սոյնպէս արդիւնաւոր և ճշմարիտ եղբայրսիրութեամբ զհետ լինել աննախանձ բարեաց ՚ի շահ եղբորն և ընկերին. (Յօհ. ԺԵ. 17)։ Հոգեսիրութեամբ չհաճիլ ընդ անցաւոր և ունայն հեշտութիւնս աշխարհիս. և փութով ապաշխարութեան ՚ի բաց վանել զսրտնութիւնս մեղաց, և հեղութեամբ սրտի և բարեպաշտիկ դիտաւորութեամբ մտաց՝ խորհիլ, տենչալ և փափաքիլ աստուածային շնորհաց և փառաց։ Հով. Բ. 17։

Պարտ է ուրեմ արթուն մտք յայտ.

սիկ յառաքինութիւնս անդրդուելի հաստա-
տիլ , անյազ փափաքանօք յարիլ 'ի սոսա օ
և սրտաբորբօք վատիլ 'ի սէր սոցին . ու
բովք լինի ստացումն ընդունակութեան
շնորհաց . և ընդունակութեամբն յաջողի
լիանալ երկնահասան բարեօք և ձրիական
պարզեօք աստուածային առատաձեռնու-
թեանն . և լիութեամբն յաճախին առա-
քինութիւնք զարմանալիք . և մեծամեծ գոր-
ծովք առաքինական բարեմասնութեան՝ լի-
նի շնաշխարհիկ և երջանիկ յայսմաշխար-
հի . և երջանիկ կենդանութեամբն փառա-
ւորի հօղին 'ի վիճակ փրկութեան , ա-
զատ 'ի վշտաց խղճի մտացն . և վիճա-
կան փրկութեան՝ փոխի զկնի մահուանն
ուրախ սրտիւ և բերկրեալ հողուով յերա-
նաւէտ կեանս յաւիտենական փառաց . և
երանաւէտ կենօք զմայլի և վայելէ զառ-
տուածային անեղծ և անթառամ փառացն
զժառանգաւորութիւն , և զամենացանկալի
և զանճառելի փառաւորութիւն Տեառն
մերոյ Աստուծի Արիստոսի յաւիտեանս
յաւիտենից :

()Ն արիք ապա ըստ յորդորանաց առա-
 քելոյն փոյթ և ջան ունել սրաի մտօք 'ի
 խորհուրդս , 'ի բանս և 'ի գործս մեր '

 խորհեսցո՛ւք զաստուածայնոցն . խօսեսցուք
 զբանս շահաւորս և օղտաւէտս ընկերի մե-
 րում , և պայծառացուցիչս հոգւոց մերոց .
 խոտորեսցուք 'ի շար և 'ի մուլար գործոց և
 վարուց , և հետևեսցուք առաքինական և
 բարեպաշտ արդեանց : Օ՛ի մի երբէք յեա-
 նեալ և պակասեալ լիցուք յերկնածաւալ
 շնորհաց անտի . և վասն հեղղութեան , և
 յետամբատ կամաց մերոց՝ ընդունայն և վայ-
 րասլար եղիցին 'ի մեզ աստուածային ան-
 բաւ բարերարութեանն պարզեք անկշռելիք՝
 և շնորհք անչափելիք . զոր նա ինքն ծայ-
 րագոյն բարութիւնն առատաձեռնէ առ մեզ
 ձրիարար , իբրև միջնորդ իսկական մերոյս
 փրկութեան : "Օ՛ղոյշ լերուք գուցէ թք
 յեանեալ գտանիցի 'ի շնորհացն . (Նբր .
 մք . 15) : Գործակից եմ ձեզ և աղա-
 շեմ , մի՛ ընդունայն զշնորհսն Աստուծոյ
 ընդունիլ ձեզ" . ք Աորն . 4 . 1 .

ԳՆՈՒԽ Ժ

Յողաբոս պանծալի նշանաց էլէղէյ-ոյն
Վրէստոսի :

Նմարտութիւն եկեղեցւոյն Վրիստոսի
յայանի երեւի , և իրաւամբ ասի ե-
կեղեցի քրիստոսական , որ ունիցի զայս
չորեսին զլիաւոր նշանս գերազանց կատա-
րելութեան : Օրս ցուցանեմք աստանօր
ըստ ճիշտ և բաւական ազդեցութեան
սրբազան և եկեղեցական գրոց և ուղղա-
փառ դաւանութեան մերում , որք են այ-
տօքիկ . միութիւն , սրբութիւն , ընդհան-
րականութիւն , և առաքելականութիւն .
որպէս միանդամայն առեալ , և խորհրդով
գրեալ ընթեռնումք 'ի ժամագիրս մեր .
"Վասն միայնոյ սուրբ կաթուղիկէ և առա-
քելական եկեղեցւոյ" : "Ասիս՝ եկեղեցին
Վրիստոսի ունի զառաջին զայս նշան մի-
ութեան . զի զանազան պատճառօք և
խորհրդաւոր վայելչութեամբ , է մի 'ի Վրիս-

տոս Յիսուս . իբրև զմի բանաւոր հօտ
խնամեալ և պաշտպանեալ 'ի միոյ քա-
ջագոյն և ամենակարող հովուէ անտի Յի-
սուսէ , որ եզ զանձն իւր 'ի վերայ ոչխա-
բաց իւրոց :

Թեպէտ եկեղեցին Վրիստոսի՝ այսինքն
բազմութիւն հաւատացելոց , տարածեալ և
սփռեալ երևին ընդ ոլորտս տիեզերաց և
'ի զանազան ազգս և 'ի բազմատեսակ լե-
զուս որոշեալ . բայց ունին զմիութիւն 'ի
Վրիստոս Յիսուս . զի եկեղեցին մի՛ մար-
մին է խորհրդական , 'ի պէսպէս անդա-
մոց ուղ զափառ հաւատացելոց 'ի մի՛ ճշմա-
րիտ զլուին Վրիստոս յօգանկապեալ . “Աւ-
ձայնի իմում լուիցեն . և եղիցին մի հօտ
և մի հովիւ . (Էօհ . Ժ . 16) : Որպէս
մարմին մի է , և անդամս բազումս ունի ,
և ամենայն բազում անդամք մարմնոյն՝ մի
մարմին են , նոյնպէս և Վրիստոս : Այլ
զուրք մարմին Վրիստոսի էք , և անդամք
յանդամոց նորա” . Թ Կորն . ԺԷ . 12
և 27 .

Ակեղեցին Վրիստոսի ունի զմիութիւն ա-

մենադովելի՛ն՝ ՚ի հողեոր և աստուածահարաշ
 ծնունդն մկրտութեան , յորում աղցաւ
 և լեզուաւ և տեղեաւ հեռաւորք ՚ի
 միմեանց՝ միանան հողւով ՚ի մի շնորհա-
 կան նմանակերտութիւնս Քրիստոսի , և ՚ի
 մի ճշմարիտ հաւաստ աւետարանական վար-
 քապետութեան , և ՚ի միոյ կենդանարուղի-
 ողորներէ սուրբ Հոգւոյն ըմպեն զանմահա-
 րար զիզմունս շնորհաց . ամենեքին միա-
 կերոյ գրին յորգեզրութիւն և ՚ի ծառան-
 դութիւն միոյ միայնոյ հօրն Աստուծոյ երկ-
 Ծաւորի , և միանգամայն հրաւիրեալ գտա-
 ծին ՚ի մի յոյս երկնային բարեաց և յա-
 խտենական կենաց անմահութեան :

Աստանօր խորհրդական յարմարու-
 թեամբ լրացեալ երեի աստուածազգեցիկ
 մարգարէական տեսութիւն Արեմիայ (Էբ .
 39թ. Ահա եկեղեցւոյ՝ զանազան աղղաց հա-
 ռատացելոց , է “սիրտ այլ” , բազմատեսակ
 ազգային ծիսիւ , արարողութեամբ և սո-
 Վորութեամբ յիւրեանս . իսկ ամենեցուն է
 “Ճանապարհ մի” , ՚ի մի ճշմարիտ հաւատոս
 * զգափառ գաւանդութեան՝ և ՚ի մի ճիւր-

գործութիւն սրբարար և կենդանարար խոր-
 հրդոց քրիստոսաւանդից . որ առաջնորդէ
 ամենեցուն միակերպ առ յաւիտենական ե-
 րանութիւնս աստուածային փառաց . որպէս
 այս ամենայն վկայութիւնք յայանի ցուցա-
 նեն : “Այլ ոչ վասն նոցա միայն աղաչեմ ,
 այլ և վասն ամենայն հաւատացիւոց բա-
 նին նոցա յիս . զի ամենեքին մի իցեն ,
 որպէս գու հայր յիս՝ և ես՝ ի քեզ . զի և նո-
 քա ՚ի մեզ իցեն . (Յօհ . ժէ . 20) .
 Արք միանգամ ՚ի Քրիստոս մկրտեցայք ,
 զՔրիստոս զգեցեալ էք . շիր խաիր ,
 ո՛չ հրէի՝ և ո՛չ հեթանոսի . ո՛չ ծառայի՝
 և ո՛չ աղասի . ո՛չ արուի՝ և ո՛չ իղի . զի
 ամենեքին դուք մի էք ՚ի Քրիստոս Հի-
 սուս . (Գաղ . Կ . 27) : Մի մարմին և
 մի հոգի . որպէս և կոչեցարուք ՚ի մի յոյս
 կոչման ձերոյ : Մի է Տէր , մի հաւատք ,
 մի մկրտութիւն ” . Եփես . Կ . 4 , 5 :

Բայց զմիութենէ միարանական սիրոյ
 եկեղեցւոյն՝ թողում իմաստասիրել հոգե-
 զգոն բանասիրաց . որ առաւել քան զմազ-
 նիսական զյութիւն զայլ և այլ տարոտչ

անդամս եկեղեցւոյ առ ինքն հաւարեալ
 իբրև զմի անձն և զմի հոգի մի մարմին կազմէ
 և ՚ի մի գրութն Քրիստոս միաւորէ : Արանի՛
 յարգողաց զայս սէր միարանութեան .
 երանի՛ յօժարելոց ըմպելի զայս բաժակ ա-
 նաշակ , որոյ մարտուակօղն է սէր անունն
 Աստուս : Արանի՛ այսու միարանակիան սի-
 բով անանջատ հաստատելոց ՚ի խորհրդա-
 կան և ՚ի ճշմարիտ որթն Աստուս , իբրև
 բարունակ կենդանի . որով հազորդեալ
 աստուածային զօրութեան նորին բեղմնա-
 ւոր պաղովք զանազան առաքինութեանց
 բարգաւաճին . (Յօհ . ժե . 5) : Ար լմա-
 դաւորէ այս սէր զքրիստոսանուէր՝ անդ
 ո՛չ զոյ նախանձ . ո՛չ խնդիր առանձին
 համբաւոյ և դոխութեան . ո՛չ մեծա-
 մասութիւն և ո՛չ հպարտութիւն . ո՛չ ան-
 պատկատ յանդգնութիւն և ո՛չ ինքնահա-
 ճութիւն . այր միշտ ցանկաւ յօժարութիւն
 ընդ բարիս բնիկերին , և խօսողութիւն
 ընդ ամենեւին : Աշոգանօր փայլի հեղու-
 թիւն և խնայօրհութիւն սրաի . անդ սփռի
 գթութիւն և խնամածութիւն առ կարօ-

տաւորս . անտի տեղի տայ անդարձ խու-
սալմամբ անիրաւութիւն և ստութիւն , և
թագաւորէ արդարութիւն և ճշմարտու-
թիւն : Այլ զի՞ է ինձ երկարել զքանիքս՝
զհուսին ասացից . միտքանական այս սէր
եկեղեցւոյ՝ ո՛չ եթէ միայն զերձուցեալ ՚ի
մահուանէ՝ ՚ի յաւիտենական երանաւէտ
կեանս վերածէ զմեզ , և աղատ ՚ի խաւ-
րէ մեղաց՝ ՚ի գերարիի լոյս շնորհաց և
արդարութեան ատրերէ , այլ և ծայրագոյն
բարութեան անէ զմեզ հաղորդ . բնդ
Աստուծոյ միաւորէ , և առ Աստուած
բարձրացուցանէ : Տես զայս ամենայն և
ընթերցի՛ր մտառութեամբ ՚ի ան Աորն . ԺԿ .
4 . մինչև ՚ի 6 համարն . և ՚ի ան Աաթու-
Յովհ . Կ . 14 . և Կ 16 :

Այսու միութեան սիրոյ քրիստոսադրոշմ
նշանաւս՝ եկեղեցին Վրբիստոսի ճանաչի .
այսու ամենայն ուղղափառ հաւատացեալք
միանան ՚ի սիրտ և ՚ի հոգի , ո՛չ հեռա-
ւորութիւն տեղեաց և ո՛չ անհոգաց պէսպի-
սութիւնք կարեն անջատել զնոսա ՚ի մի-
մեանց , գոյով նոցա կապեալք հզօրագոյն

զօրութեամբ այսր նշանի միութեան , և առ-
տուածահաճոյ ամենաբաղչր և պատուական
պատուք քաղին յայսմ երկնուղէշ ծառոյ
միաբանական սիրոյն , զոր անկեաց ամենա-
հնար ձեռն աստուածային 'ի մէջ գրախտի
իւրում սուրբ եկեղեցւոյ . և կամի հաս-
տատուն արմատանալ սորին , և քաղցրա-
նալ 'ի պատուոն : "Օյի դուք երթայցէք՝ և
պաղարեբք լինիցիք . և պատուն ձեր կաշ-
ցէ : Օչայս պատուիրեմ զի սիրեսջէք զմի-
մեանս . (Յօհ . ժն . 16 . 17 : Օյի սէրն զոք
սիրեցեր զիս՝ 'ի նոսա իցէ , և ես 'ի նոսա .
(Յօհ . ժէ . 26) : Եւ բազմութեան հաւա-
տացելոցն էր սիրա և անձն մի" . Գործ .
դ . 32 :

Այնպէս Վրիստոսի ունի և զերկրորդ
նշան կատարելութեան՝ "զսրբութիւնն" . և
այս 'ի բազում պատճառաց ցուցանի . յորոց
զգլխատրս առեալ և մեք զիցոք աստա-
նօր : 'Այս 'ի սրբութենէն Վրիստոսի , որ
է զլուի եկեղեցւոյ՝ ըսա ասագնոյն . և է
սուրբ բնութեամբ և էութեամբ , և բոլո-
րովին սրբութիւն . և այսր ամենամաքուր

սրբութեան գտաւ հաղորդեալ եկեղեցին՝
 այսինքն հաւատացեալք, իբրև շարոյական
 մարմին միացեալ ընդ սրբազնատուրք զըլ-
 խոյ իւրոյ Հիսուսի Քրիստոսի : Ապա եթէ
 որ յանշամց եկեղեցւոյ մնայ անբաժան ՚ի
 սրբաբար և ՚ի ճշմարիտ գլխոյ իւրմէ ՚ի
 Քրիստոսէ Հիսուսէ, ուղղափառ դաւա-
 նութեամբ քրիստոնէական ճշմարիտ և
 սուրբ հաւատոյ, ո՛չ երբէք դահալլիմե-
 լով ՚ի շարաշար մարտութիւնս հերետիկո-
 սութեան և սոսկալի ուրացութեան, ան-
 շուշա հաղորդաբար ունի զանախա և զա-
 նասպական սրբութիւնն Քրիստոսի, ըստ
 հաստատուն վկայութեանցս : «Ար ծնա-
 նելոցն է ՚ի քէն սուրբ է . (Պ ու . ւն . 35 :)
 Աւ զուք սուրբ էք . այլ ո՛չ ամենեքին .
 (Յօհ Ժգ . 1՝) : Այլ զուք ազգ էք ընախբ .
 Թաղաւորութիւն . քահանայութիւն . ազգ
 սուրբ . ժողովուրդ սեպհական . (ն Աա-
 թու . Պեա . ք . 9) : Այլեղեցւոյդ Աստու-
 ծոյ՝ որ է ՚ի Աստեթոս՝ նախրեցոյ ՚ի Քրիս-
 տոս Հիսուս . կոչեցեցոյ սրբոյ՝ ամե-
 նեքումբք հանգերձ, որ կարգան զանուն

Տեառն մերոյ Յիսուսի Քրիստոսի յամենայն տեղիս նոցա և մեր՝ . (ւս Աորն . ւս 2) .

Արհարող՝ եկեղեցին ունի զսրբութիւն սրբարար Ճշմարիտ Հաւատոյ՝ ընդունելով ներքուսպէս զաստուածային աւետարանական բանս , ուղղափառ մտօք և ողջամիտ խորհրդով , որ դիտաս ուղղին 'ի ճանաչումն Ճշմարտութեան . և առաջնորդեն կամայ յօժարիլ 'ի գործս բարութեան . և սրբեալ զսիրտ և զհոյի յանմարտք խղճէ և 'ի չար խորհրդոց՝ տաճար սուրբ սրտաբաստեն 'ի քնակութիւն աստուածային մծութեան . ըստ որում՝ բանք Տեառն են բանք սուրբ . այսինքն յաւէտ սրբարար ամենայնի՝ . "Սուրբ արա զնոսա ճշմարտութեամբքով , զի քո բանդ ճշմարտութիւն է . (Յօհ . ժէ . 17) : Գուք արդէն իսկ սուրբ էք վասրն բանին՝ զոր խօսեցայ ընդ ձեզ . (Յօհ . ժէ . 3) : Աւ ոչ ինչ ընարութիւն արար 'ի մէջ նոցա և մեր , հաւատովք սրբեալ զսիրտ նոցա . (Վործ . ժե . 9) : Տաճար Աստուծոյ սուրբ է որ էք գուք՝ . (ւս Աորն . ք . 17) :

Արքայ՝ սրբութիւն եկեղեցոյ է սրբարար և արդարացուցիչ խորհուրդն մըկրրութեան , յորում՝ հոգիք սրբին յամենայն աղանդութենէ մեղաց , և իբրև անօթ սուրբ և անարատ պատրաստին արնդունակութիւն զանազան աստուածային և ձրիատուր շնորհաց . և իբրև զկոյս մի սուրբ ներկայանան առաջի անմահ և երկնաւոր փեսային Յիսուսի Քրիստոսի . և հրաւիրին համարձակ ժաանել ՚ի լուսեղէն և յերկնային առադասան աննդժանելի փառաց արքայութեան : Ըստ որ ունի զայս սրբութիւն խորհրդոյ մկրտութեան , և զճնունդ հոգեւոր՝ յորդեղրութիւն հօր Ըստուծոյ և ՚ի ժառանգութիւն երկնային փառաց՝ է եկեղեցի Քրիստոսի : “Աթէ ո՛չ ոք ծնցի վերստին՝ ոչ կարէ տեսանել զարքայութիւնն Ըստուծոյ . (Յօհ . 7 . 3) : Արպէս և Քրիստոս սիրեաց զեկեղեցի , և զանձն իւր մասնեաց վասն նորա . զի զնա սրբեսցէ սրբութեամբ աւազանին բանիւ . զի կաշուացէ ինքն իւր յանդիման փառաւոր զեկեղեցի , զի մի ունիցի արատ ինչ կամ աղանդութիւն . կամ այլ ինչ յայս .

պիսեաց . այլ զի իցէ սուրբ և անարատ” .
Եփես . Ե . 25 :

Եպաբէն սրբութիւն ամենայտակ ա-
նեղ և աստուածային էութեանն , սքանչելի
մարդասիրութեամբ իւրով և անբաւ բա-
րերարութեամբ , կամեցաւ և յօժարեցաւ
կոչել զձեզ և մերձաւոր կացուցանել այս-
պիսի սրբարար խորհրդոց . և սրբել զձեզ
յազատոյ մեղաց և զհոգւոյ արեղութիւն մեր
փոխադրել ՚ի փառաւոր պայծառութիւն
աստուածային մարութեան և սրբութեան
իւրոյ : Եպա և մեք պարտական եմք ՚ի
բաց մերձել յանձանց մերոց զչարաչար
գործս մոլութեանց , և ուղղել զվարս մեր
յառարինական գործս բարեգործութեանց ,
և ստանալ զսրբութիւն վարուց և գործոց ,
որով լիցուք արժանի ժառանգաւոր՝ յա-
ւիտենական փառաց և երանութեան Հի-
սուտի Վրիսառսի , ըստ յորգորանաց սրբ-
բազան ատարելոյն Պետրոսի : “Ե՛ւ ըստ
սրբոյն՝ որ կոչեաց զձեզ , և գուք սուրբք
յամենայն զնացս ձեր լինիջիք” . Թ Վաթու .
Պեա . Թ . 15 :

Արրորդ՝ ճշմարիտ եկեղեցին Քրիստոսի
 կողմ կաթուղիկէ . որ և 'ի յոյնս ասի
 իսա-ճէնչի կամ գալ-ուչի , որ առ մեզ
 ասի Թեոփիլակոս և ընդհանուր . ըստ
 բում ուղղափառ և ճշմարիտ հաւատք՝ և
 լուսաշարիչ աւետարանական ողջամբա վար-
 դասեաութիւն և սուրբ կրօնն քրիստոսնե-
 ական , տարածեալ և սիրեալ է ընդ ա-
 մենայն աշխարհ 'ի ծաղայ մինչև 'ի ծաղս
 երկրի , քարոզեալ և աւետարանեալ յա-
 մենայն ազգս և 'ի յեզուս : Աւստի յո-
 բում անդուշ և յորում ազգի գտանիցի
 որ ընկալեալ զաթեղեքածուալ այսր ուղ-
 ղափառ հաւատոյ զվարդապետութիւն , յո-
 բում և անդրգուկի մնայ հաստատուն ըստ
 դաւանութեան հանդանակին հաւատոյ , և
 լուսաւոր բացատրութեան աստուածու-
 շունչ զրոյ սրբոյ հին և նոր կտակա-
 րանոց , յատուածաղչեցիկ բանս վճ-
 ոց հոյեգումար սուրբ ծաղփոց , և 'ի սրբ-
 քաղան գիրս հարց սրբոյ , նախաւամ-
 անուանի որդի կաթուղիկէ եկեղեցոյ . որ
 և անձուար 'ի բանս հաւատոյ ուղղափա

ունեցան՝ կոչի ուղղափառ , զոր յոյնք
 անուանեն զԷփեսոս : Աստ եկեղեցին
 Քրիստոսի և անշուք նորին այնորիկ են ,
 որք կան անմուսք և հաստատուն ՚ի սուրբ
 հաւատս , զորս ուսոյց Յիսուս Քրիստոս
 իրքե հեղինակ հաւատոյ ճշմարտութեան ,
 և շնորհօք խրովք սփռեաց ընդ ամենայն
 աշխարհ , զոր գրունք գթոխոց ո՛չ կա-
 րեն յաղթահարել : « Աշխարհ յաշխարհ
 ամենայն , և քարոզեցէք զաւետարանն ա-
 մենայն արարածոց . որ հաւատայ և մկր-
 տեսցի , կեցցէ . և որ ո՛չն հաւատայ՝ դա-
 տասպարտեսցի . (Մարկ . թե . 15) : Այսն
 յուսոյն՝ որ սահի ձեզ յերկինս . զորմէ
 լուարուք բանին ճշմարտութեան աւետա-
 րանին , որ եհասաւ ձեզ որպէս ընդ ամե-
 նայն աշխարհ աճէ և սրտաբերէ . որպէս
 և ՚ի միջի ձերում՝ . (Աղոս . Թ . 5) :
 Այլ յամենայն ազգս՝ որ երկնչին ՚ի նմա-
 նէ , և գործէ զարդարութիւն , ընդունե-
 լի է նմա՝ . Գործ . Ժ . 35 :

Զորորդ՝ նշան կատարելութե . և էլի-
 դեցւոյն Քրիստոսի է լինել առաքելական

այսինքն անխախտ և անշարժ հաստատեալ
 ՚ի վերայ հիման ճշմարիտ վարդապետու-
 թեան և քարոզութեան սրբազան առաքե-
 լաց , և անխափան սրահեալ զաւետարա-
 նական աւանդութիւնս նոցին . որովհետեւ
 Քրիստոս արտապէս և բացարձակ հեղի-
 նակ եղև ճշմարտութեան հաւատոյ . և
 առաջին և մշտնջենաւոր հիմն վերամբար-
 ձող եկեղեցւոյ , անմիջաբար վարդապե-
 տելով և շնորհարուղիս օրէնսգիր լինելով .
 ըստ այնմ . “Եւ մի կոչիցիք ուսուցիչք , զի
 ուսուցիչ ձեր Քրիստոս է . (Մատ . ի ք .
 10) : Օ՛ի հիմն այլ ոչ որ կարէ դնել
 քան զեզեալն՝ որ է Յիսուս Քրիստոս” .
 (ան Աորն . ք . 11) : Իսկ սրբազան ա-
 ռաքեալք եղեն քարոզիչք , և յայանա-
 բարբառ վարդապետք ճշմարիտ հաւատոյն
 Քրիստոսի . և այսք սրանչելի հիմնար-
 կութեանն քաջահմուտ զորձակալք և ըս-
 տասաւորք . զոր բացայայտ ծանուցանէ
 Հայր Գարրիէլ ՚ի մեկնութեան թղթոց
 Պօղոսի . հատոր ք . յերես 533 , յա-
 սելն . “Օ՛ի առաքեալն ոչ ըստ անձանց

իւրեանց կա՛մ ըստ գորութեան եղևն Տիմն
 եկեղեցական շինուածոյ , աչ ըստ վար-
 դապետութեան զոր քարոզեցին” ։ Այս անոյ
 ՚ի 534 թղթաճամարի . “Արայն առաքեալք
 և մարդարէք կոչին Տիմոնք եկեղեցւոյ .
 այսինքն իբրև պաշտօնեայք Տիմնարկու-
 թեան նորա ՚ի ձեռն վարդապետութեան
 իւրեանց և վկայական ջանից ՚ի տարա-
 ծանել զՏաւաաս եկեղեցւոյ , ապա թէ
 ոչ՝ առաջին և վերամբարձող Տիմն , մըշ-
 արնջնաւոր և բացարձակ է միայն Յի-
 սուս Քրիստոս” ։

Ապա սրբազան առաքեալք՝ ոչ որպէս
 մարդարէք ընդ աղօտ օրինակօք և առ-
 յապայն եղերոյ վկայութեամբ ցուցին մեզ
 զշնորհական օրէնս փրկչին Քրիստոսի .
 այլ ինքեանք իսկ անձամբք և տեղեօք
 մերձաւորք նմին և աստուածաճրաշ սքան-
 չելեացն ականատեսք՝ և կենսարուղիս բա-
 նիցն ականջալուրք լինելով՝ արձակ Տամար-
 ձակ վկայութեամբ քարոզեցին ընդ ամե-
 նայն աշխարհ զճշմարիտ Տաւաաս նորին .
 և զաւետարանն անմահ կենդանութեան ։

Ուստի՛ որ և իցէ արդ հաւատացեալ և մկրտեալ , որ կայ անշրդուելի հաստա-
տեալ յաշխարհատարած վարդապետութիւն
առաքելական քարոզութեան՝ և ՚ի բանս
դաւանութեան , ստույիւ ասի եկեղեցի
առաքելական , զոր ցուցանեն բանք վկայ-
ութեանցս որջամբս քննողաց : “Վնացէք
այսուհետև՝ աշակերտեցէք զամենայն հե-
թանոսս . մկրտեցէք զնոսս յանուն հօր՝
և որդւոյ՝ և հոգւոյն սրբոյ . ուսուցէք նո-
ցա պահել զամենայն՝ զոր ինչ պատուի-
ւեցի ձեզ . (Մատ . իը . 19) : Եւ
Եստուծոյ շնորհք՝ որ յամենայն հոշակ
հարկանէ զձեռք ՚ի Քրիստոս (Յիսուս . և
զհոտ դիտութեանն իւրոյ յայանի առնէ
մօք յամենայն տեղիս . (ք Կորն . ք .
14) : Օր տեսան և լուսւի՛ պատմեմք
և ձեզ , զի և դուք հաղորդութիւն ունի-
ցիք ընդ մեզ . և մեր հաղորդութիւնն ի-
ցէ ընդ հօր և ընդ որդւոյ իւրում (Յի-
սուսի Քրիստոսի” . Յօհ . ւն Կաթու .
ւն . 3 :

Երդ ընդ այսքան յորդութիւնս ուղիս .

բէն հասանայ զանազան շնորհացն Աս-
 տուծոյ՝ մի գուցէ պատահեցի մեզ ու-
 նայն և թափուր յամենայնէ գտանիլ ,
 իբրև զսափոր ինչ ծակառեալ և բեկեալ ,
 յորում չէ հնար պարունակիլ և պահիլ
 նիւթ ինչ հեղանուա : Ահա այսպիսի է
 սիրա աշխարհասիրին՝ որ ունի զսիրա իւր
 'ի զանազան մոլութիւնս և 'ի գիւրախար
 հեշտութիւնս բեկեալ և բաժանեալ , և չի
 յամբողջութիւնս աստուածսիրութեան , և
 'ի զործս բարիս հաստատիչս և կազգու-
 բիչս սրախց և հողւոց , որով և անըն-
 դունակ գտանի երկնաւոր և հողեոր բա-
 բեաց : Այլ և մի երբէք լիցի մեզ աղա-
 հութեամբ և ծրատութեամբ խնայել աղ-
 քատաց և կարօտեալ եղբարց մերոց դուրս
 սղորմութեան , զի մի կամակար մաօք ու-
 նայն վերադարձցուք 'ի շնորհահաս աղքե-
 բէն կենաց 'ի Հիսուսէ Վրիստոսէ , որ
 Եիսի էր աղահ և լնչասէր երիտասարդն .
 որոյ կարի զառաձեալ գոլով 'ի շարա-
 զգած աղահութիւնս երկրաւոր ստացուե-
 ձոց , անհամոյ թուեցաւ կամայն առա-

տաձեռնել աղքատաց . վասն որոյ ինքնին մերժեցաւ և հեռացաւ 'ի ծայրագոյն բարւոյն 'ի Յիսուսէ Քրիստոսէ , զերկրայինն լաւ համարելով քան զլաւխտենական փառս արքայութեան երկնից , և զրկեցաւ 'ի լիութենէ անկողոսպակի գանձուց ձրխապարգև շնորհաց . Մատ . ԺԺ . 22 :

Փութասցուք աստաքէն ըստ այսչափ յուզութիւնս սրբարար շնորհացն Քրիստոսի բարեբար փրկչին մերոյ , և ընդ այսքան պանծալի բարութիւնս որանչիկ նշանաց քրիստոսական ճշմարիտ եկեղեցւոյ նորա յարմարել և վայելչացուցանել զգործս մեր . որով արժանապէս լիցուք անգամբ եկեղեցւոյ՝ և բարոյական մարմին Քրիստոսի , աստուածային յօգիւ խաղաղութեան և սուրբ սիրոյ նորա ստացեալ 'ի մեզ զմի սիրտ և զմի հոգի : Մի բանակոխ լինել յօժարեսցուք յայնպիսի խնդիրս անօգուտս և 'ի զանազան վէճս կարծեաց մըտապածին խորհրդոց մերոց . որով՝ ոչ միայն հարկանիմք 'ի միմեանց և վիրաւորեմք զսիրտս միմեանց , այլ և սնտախ վի-

Քարանուծեամբ անմիաբանք և անհաշտ
 թշնամիք գոյութ իրերաց 'ի զանազան զայ-
 թակղութիւնս և 'ի պէսպէս շիտթութիւնս
 մտաց կործանեն զունկնդիրս մեր , յորոց
 արդելու զմեզ առաքեալն ընդ նմին և յա-
 ջորդք նորին հարք եկեղեցւոյ , որք ուսու-
 ցին զմեզ խաղաղութեանն և սիրոյն հո-
 գւով վատեալ ուղիղ համառօտել զամեն
 ճշմարտութեան , և շնորհիւ սուրբ Զողոյն
 արծարծել զերկնային բորբոք աստուա-
 ծային սիրոյն 'ի սիրտս մեր . ք Տիմոթ . ք .
 14 : Մատ . ժք . 19 : Հօհ . ժե . 12 :

Մի պահասեցուք երբէք 'ի սիրելոյ
 զմիմեանս . զի զսէրն՝ զոր սիրեաց զմեզ
 կենարարն մեր Հիսուս , զայէ 'ի մեզ լի
 արդեամբք բեղմնաւորեալ : Նշանիցուք՝ ե-
 թէ զոր սիրեմքս՝ եղբայր մեր է , քան զա-
 մնայն արարածս սիրելի Մատուծոյ , մա-
 նաւանդ և զին պատուական արեան Սր-
 զւոյն Մատուծոյ : Մյա մի երբէք վերջա-
 ցեալ լիցուք յեղբայրսիրութենէ աստի
 զի մի աստուածսիրութեանն կնիք եղծա-
 նիցի 'ի մեզ : Մի ատեցուք զեղբայր մեր ,

զի մի աստուածապետաց լիցուք , և մի ռ-
 խակալութեամբ զանոխակալին Աստուծոյ
 մերկասցութի պատմութեան լուսեղէն փառաց
 'ի Հոգւոց մերոց , և զսխերիմ բանասերութիւն
 զպեցցութի զսեպտոր Հանգերձ կօքտեան
 և անարգութեան : Մի յանգեցնուցութի նա-
 խատական բանիւք խոցտեւել և վիրաւորել
 զսիրտս միմեանց , զի մի պարասպան լի-
 ցութի զհինի Հրոյն յախանական գատա-
 պարութեան : Հարգեսցութի զսէր միա-
 բանական , զոր և իրբև զիսկական դրօշակ
 պարծանաց քրիստոնէութեան զառաջեալ
 կրեսցութի Համարձակ . (Հօհ . ԺԷ . 35 .
 Գործ . ք . 1) : Մարգեսցութի զսիրտս մեր
 յամենայն մեղաց , զի սիրտ սուրբ՝ մաքուր
 խիղճ , և միտք բարեգրգած՝ աստուածային
 շնորհօք և փառօք է զարգարուն , և Հօ-
 գւոյն սրբոյ յարգարեալ աուն : Օխնչ
 շահ ինձ 'ի սրբութեան նշանէ անախ ե-
 կեղեցւոյ , որոյ լինելով իմ մասն և ան-
 դամ , կուտեցից՝ և բարկեցից 'ի սրտի ի-
 մու՛մ զսաղմատեսակ ախտս մոլութեան և
 զարշահոտ մեղաց . և զիւրդ Համարձա-

կեցայց անուանիլ անգամ սրբանուէր ե-
կեղեցւոյն Քրիստոսի . եթէ 'ի բիրատե-
սակ յանցանս չ'արագարժութեան ընկղմեալ
և զօղեալ ունիցիմ՝ զիմ համակ սիրտ .
մի՞թէ 'ի պատմութեանս բեհեղեայս , և 'ի
զգեստս ծիրանիս զարդարի հողին . ո՞չ
ապարէն սէսսէս հանգերձանք մարմնաւոր
զարդուց՝ բուրմունք օծութեան ազնիւ և
քաղցրահոտ իւղոց , և հեանմունք վայր-
կենական հեշտութեանց՝ բոլորովին արտաք-
նայարդար գերեզման աննն զհողին , որք
արտաբուստ գեղեցիկք և հաճելիք են յաչս
մարդկան , բայց 'ի ներքուս լի շարեօք՝ և
առեւի են յաչս Աստուծոյ : Մատ . իբ .
27 : Հոով . ժբ . 1 :

Աստրատ եղիցուք հպատակիլ և հնա-
զանգիլ ողջամիտ խորհրդով և առաքինի
վարուք՝ ճշմարտութեան քրիստոնէական
լուսաւոր վարդապետութեան , որ ընդ ա-
մենայն աշխարհ տարածեալ է և սփռեալ ,
իբրև զլապտեր անշէջ և լի լուսով աս-
տուածային գիտութեան բոցափայլէ յաչս
անսպառաց . որով գաղանիք հաւատոյ յայտ-

նին պայծառադոյն , և առաջնորդեն մեզ
 'ի նաւահանգիստ լուսաւոր վարուց և գոր-
 ծոց ստաբիլութեան , յորում և ապահով
 և աներկեան մնայ հոգի մեր 'ի խաւարա-
 մած շողեաց մեղսասահ մոլութեանց , և
 իբրև զվէմս կենդանիս լինիմք սաճար հո-
 դեոր , և փառք աստուածային սեսանի 'ի
 մեզ վայելչացեալ յամենայնի . որով զօ-
 բանամք յազմել շար կրից մերոց և լինել
 բարի և առողջ անգամ եկեղեցւոյ : Իսկ
 մոլորեալքն իրաւամբ կոչին շար և ախա-
 ւոր անգամ եկեղեցւոյ :

Այս բնդհանուր տարածութիւն ճշմար-
 տութեան ուղղափառ հաւատոյ , ոչ երբէք
 յուսարեկ առնէ զսիրտ մեր , այլ քաջալե-
 բէ եթէ կայ բնդ ամենայն աշխարհ մերձա-
 ւոր օգնական մեր Տէր Յիսուս Քրիստոս , 'ի
 թիկունս հասանիլ ախարութեան մերում և
 Այս տիեզերասահման ճշմարտութիւն հա-
 ւատոյ , իբրև լայնատարած տաղաւար իմն՝
 յապահովս կացուցանէ զառ յինքն ամրա-
 ցեալս և զանդրդուելի ապաւինեալս , յա-
 մենայն արկածից և 'ի բռնութեանց թըշ-

Նամուդն Հողուոց մերոց . {ՅօՏ . ք . 32 .
10 . ժն . 6 : Հսոմ . ժ . 12 ,

Խորհեցուք զբարիս միմեանց , օրինակ
վարուց բարեաց լիցուք եղբարց և ընկե-
րաց մերոց . յորդորեսցուք զմիմեանս 'ի
գործս առաքինութեան . Հայելի առաքի-
նութեան լիցին գործք մեր և վարք . նմա-
նեսցուք առաքելոցն սրբոց բանիք և գնա-
ցիւք , սիրով և խաղաղութեամբ . ոչ միայն
քարոզիչ ճշմարտութեան անուանիլ յօժա-
րեսցուք , այլև զնոյն ճշմարտութիւնն գոր-
ծով առաջի ամենեցուն մեծարել . ոչ
յունկս այնքան լսելի առնել զաւետարա-
նականն կենսամար իրատ , որքան արդեամբ
ծաւալել զնա 'ի յորդոր ամենեցուն առ
այն : Այսն զի լոկ նշանաւ կամ զու-
ղիղ գաւանդութեան նոցին ունելով զկնիք
թէպէտ կարեմք վերաձայնիլ եկեղեցի ա-
ռաքելական , բայց ոչ իրրե զառաքելաբ
հաճոյանալ Վրիսաոսի Տեառն մերոյ և լի-
նել ժառանգակից փառաց և երանութեանց
ձորին : Ըն զինչ օգուա է , եթէ գու-
րիղ գաւանդութիւն և զողջամբա վերգա-

պետութիւն առաքելոց դաւանիցիմք , և
զվարս վատթարս և զգործս շարութեան
ունիցիմք : Այս բանք և գործք մեր յար-
մարեսցին առաքելոցն սրբոց , որով ար-
ժանապէս և իրուամբ անուանեսցուք եկե-
ղեցի առաւելական , և արգնամք հետեօղ
Քրիստոսի և փառարանիչ անուան նորին ,
ուղիղ հաւատով և բարի գործով . Մատ .
Ե . 16 . Փիլիպ . ք . 17 .



Գ Ի Ս Ի Խ Ժ Ը

Յաղագս էօլն խորհրդայ էլիզէցայ :
 Օչնչ է խորհարդն :

Խորհարդն է գաղանի ինչ , որ 'ի մէջ
 երկուց կամ երկց անձանց մնայ ծած-
 կեալ . որպէս փրկութիւն մեր իբրև խոր-
 հարդ մնայր 'ի թագուն կամս սրբոյ Ար-
 րորդութեան : "Օ խորհարդն՝ որ ծած-
 կեալ էր 'ի յախանից և յազգայ" . (Առ-
 զոս . ան . 26) : Խորհարդն խննի այն
 գործ , յոր գաղանութիւն մտաց երևի .
 զոր օրինակ , յսթամ սեռանեմք 'ի յայտ-
 նի իրս զգաղանի ինչ՝ ասեմք , խորհարդ
 կայ ասա . իբր զի՝ զայլ ինչ սեռանել ,
 և զայլ ինչ . հաւատալ 'ի նմա : Եղա
 եօթն սրբարար գործադրութիւն եկեղեցւոյ
 վայելչաբար սասցաւ "խորհարդ" : Վսան
 զի՝ 'ի զցալի և 'ի նիւթական գործանու-
 թիւնս փրկարար խորհրդոցն՝ այսինքն 'ի
 զինին և 'ի նչխարն հաղորդութեան , 'ի
 շարն մկրտութեան , 'ի միւսոնն և յամե-

նայն հարկաւոր նիւթս խորհրդոցն՝ զպէս-
պէս զազանի և զաներևոյթ ներգործու-
թիւնս շնորհաց խոստովանիւք :

Ապաքէն խորհուրդ ասելով որոշեցաւ
'ի նշանացն հին օրինաց , զի ամենայն
գործք հին օրինաց նշանք էին և ոչ խոր-
հուրդք , ըստ որում չունէին ինչ սրբա-
րար ներգործութիւն . որպէս թլիսատու-
թիւնն էր նշան ինչ , որ որոշէր զաստուա-
ծապաշտս 'ի հեթանոսաց . ըստ այնմ՝
"Նշանակ առ զթլիսատութիւնն , կնիք ար-
դարութեան հաւատոցն . (Հոով . 4 . 11) :
Արեւմն զհին օրէնս կարեմք միայն անուա-
նել նշանք սուրբ գործադրութեան , զի
միայն նշանակէին զսրբացուցիչ շնորհս
խորհրդոց նոր օրինացն Քրիստոսի , բայց
ոչ տային զշնորհս փրկութեան հոգւոյ .
վասն զի՝ չունէին զնեղօրէն սրբարար գոր-
ծքս . այս է , զսրբութիւն հոգւոյ , զար-
դարութիւն ազատութեան յանիծից մեղաց ,
զանմահութիւն կենաց յաւիտենից , զոր-
գեղրութիւն հօրն երկնաւորի՝ և զժառան-
գութիւն երանական փառաց : Արպէս նը-

շանն զործիրական թէսէա յանդիման առ
 նէ մտաց զայլ ինչ՝ բաց յիւրմէ , սակայն
 ոչ ունի զնմանութիւն յայանելոյ իրին ,
 զոր օրինակ , արշալոյսն է նշան բնական
 ծագման արեւուն . և ամսն ծագեալ յա-
 րեւմոյց՝ է նշան անձրեւոյ . բայց ոչ ար-
 շալոյսն ունի զներգործութիւն արեգական ,
 և ոչ ամսն զանձրեւոյն զնմանութիւն :
 Ըստպէս ամենայն զործք ստուգական օ-
 րինացն՝ մշայն ցուցանէին զսրբագործ Խոր-
 հաւրդս Քրիստոսի Տեառն մերոյ . բայց
 ոչ ունէին զնոյն ներգործութիւն շնորհաց :
 Արպէս ջուրն լուսոյման , որով սրբութիւն
 մարմնոյ կոստարիւր ՚ի ձեռն քահանայից .
 “Վստացի ջրով և սուրբ լիցի” . (Վեա .
 ժԴ . 8) . էր նշանակ մկրտութեան որով
 լինի սրբութիւն հսկւոյ : Օկեումն զառ-
 կական գառին , որ հրամայեցաւ արեամբ
 նորին սրսկել զսեմօք դրանց խորայելացւոց ,
 որով ապրեցան անգրանիկ նոցա ՚ի ծա-
 մանակաւոր մահուանէ (ՂԷ . ժԲ . 23) ,
 ցուցանէր զխորհուրդ հաղորդութեան , որ
 բով փրկիմք ՚ի յաւիտենական մահուանէ :

“Եթէ ոչ կերթիք զմարմին որդւոյ մարդոյ
 և արթիք զարիւն նորա, ոչ ունիք կեանս
 յանձինս . (ՅօՏ . Կ . 54) . Խոյն կա-
 խեալ զսարեկայ՝ փոխանակ Իսահակայ ե-
 շեալ ողջակէզ , էր նշան Քրիստոսի . որ
 իբրև զգառն Աստուծոյ կախեցաւ զխաչա-
 փայտէն ՚ի փրկութիւն աշխարհի . “Ահա-
 ւասիկ գառն Աստուծոյ որ բառնայ զմեզս
 աշխարհի” : ՅօՏ , ան . 29 :

Ահա այսորիկ ամենայն՝ նշանք կոչին ,
 զի չէին հաշկաւոր առ փրկութիւն հո-
 գւոյ . ըստ որում ՚ի գործոյ գործեցելոյ
 անախ նշանակեալ լինէին կենդանարար շո-
 նորհք նոր օրինացս . իսկ ՚ի գործոյ գոր-
 ծողին եթէ արդարք էին՝ յանուն Աստու-
 ծոյ գործելով ընդունին զպէտպէս խնամս
 Աստուծոյ . և եթէ մեղաւորք՝ աննելով
 զայնս իբրև զգործ հաճոյական՝ արդիւնա-
 ւորէին զողորմութիւնս յԱստուծոյ : Իսկ
 յոր օրէնք կոչին “խորհուրդ” . ըստ որում
 սահմանեալ է ՚ի Տեառնէ մերմէ Հիսուսէ
 Քրիստոսէ առ փրկութիւն հոգւոյ . հար-
 կաւոր առ ՚ի տալ արժանաւորաց զշնորհս

զանազան սրբութեան , ըստ այնմ "Քան-
զի զստուիւր հանգերձելոց բարեացն աւ-
նէին օրէնքն , և ոչ զնոյն կերպարանս ի-
րացն" . Աբբ . Ժ . 1 .



Գ Լ ՈՒ Խ Ժ Բ

Յողաբն Կերտաբն-Լեւոն Խորհրդոյն :

Լ ձեռն սրբարար խորհրդոցս՝ փոխի վիճակ բնութեան մերում . վասն զի 'ի վիճակէ յանցանաց վերածիւնք 'ի վիճակ արդարութեան , և 'ի վիճակէ դատաստարտութեան՝ 'ի վիճակ շնորհաց և փառաց . մանաւանդ 'ի ձեռն նոցա զարգարիւնք գերբընական ձրիւք : Այլ իւրաքանչիւր խորհուրդ յարմարասէս հային առ եօթն առարինութիւնս , որոց երեքն են աստուածաբանական . այսինքն հաւատ , յոյս , և սէր . և չորքն բարոյական . որք են արիութիւն , արդարութիւն , խոհեմութիւն , և բարեխառնութիւն :

Այդարտութիւնն է խորհուրդ սրբարար , որ սրբէ զհոգին 'ի սկզբնական մեղաց . և եթէ մկրտեալն իցէ չափահաս և ունիցի զմեղս ներդործականս՝ զայն ևս մաքրէ . Սա խնդրէ "զհաւատ" : Աթէ չափահաս

իցէ մկրտեալն , սգարտ է նմա ունիլ զխոս-
տութանու թիւն քրիստոնէական ճշմարտու-
թեան . որ յայտնի երևի յերկուտասան
մասանց բանիցն առաքելոց հաստատեալ
’ի հանգանակն հաւատոյ : Սի սրբազան
առաքեալք յաւուր Պէնակկոսակի , նախ
քարոզեցին զճշմարիտ վարդապետութիւնն
Քրիստոսի և սպա մկրտեցին . որպէս
պատմի զքարոզութենէ սրբազան առաքե-
լոյն Պետրոսի ’ի գործս առաքելոց (ք . 41) .
“Ոմանք յօժարութեամբ ընկալեալ զքան
նորա՝ մկրտեցան” : Իսկ եթէ իցէ աղայ ,
բաւական է նմա հաւատք ծնողացն , կրն-
քահօրն , և կամ մկրտող քահանային ,
որ ’ի զիմաց նորին զխոստութանութիւնն
առնէ , իբրև երաշխաւոր , սրբ և յետոյ
պարտաւորին ուսուցանել նմա զճշմար-
տութիւնս հաւատոյ . և կրթել ’ի բարի
վարս : “Ար հաւատայ և մկրտեցի կեց-
ցէ” : Մար ծգ . 16 :

Դրոշմն է խորհուրդ զօրացուցիչ , որ
կնքէ զմկրտեալն անջնջելի շարժօր սուրբ
Հոգւոյն : Սա տայ “զարիութիւնն” . որով

յաղթէ մոլութեանց , և յառաջագէմ լինի յառաքինութիւնս , իբրև քաջ զինուոր Քրիստոսի : “Եւ իբրև լուան (Աշփեսացիքն) մկրտեցան յանուն Տեառն Յիսուսի , և 'ի դնել 'ի վերայ նոցա Պողոսի զձեռն , եկն Հոգին սուրբ 'ի վերայ նոցա , խօսելին լեզուս և մարդարեանային” : Գործ . ԺԹ . 6 :

Հաղորդութիւնն է խորհուրդ կենդանաբար , որ բաշխէ արժանաւորելոց գլախտեանական կեանս . սա տպաւորէ 'ի Հոգիս զաստուածային “սէրն” , որով միանամք ընդ Քրիստոսի . “Ար ուտէ զմարմին իմ . և ըմպէ զարիւն իմ , նա յիս բնակեսցի և ես 'ի նմա . և որ ուտէն զիս , կեցցէ վանս իմ” . Յօհ . Կ . 55 :

Եզրաշխարհութիւնն է խորհուրդ արդարացուցիչ , որ զհոգիս վճարողաց 'ի ձեռն կատարեալ զղջման՝ արձակէ 'ի մեղաց , և վերածէ յաստուածային շնորհս . սմա վայելէ “արդարութիւն” , առ 'ի յարգել զօրէնս Աստուծոյ , և ատել զանօրէնութիւնս մեղաց . “Ամենայն որ զմեզս գործէ , նաև զանօրէնութիւնս առնէ , և ինք՞

իսկ մեղքն անօրէնութիւն է" . Թ 305 .
 ք . 4 .

Վերջին օճումն է խորհուրդ առողջա-
 բար , որ տայ հիւանդաց զառողջութիւն
 ըստ հոգւոյ և ըստ մարմնոյ . սա ընծայէ
 զ"յոյս" , առ 'ի հասանիլ 'ի յարկս սրբաց
 աստուածային ողորմութեամբ : "Յարուս-
 ցէ զնա Տէր , և եթէ մեղս ինչ գործեալ
 իցէ թողցի նմա" . Յակ . Ե . 15 :

Արարն է խորհուրդ հոգևոր իշխանու-
 թեան . սովաւ լինի մարդ սաշտօնեայ խոր-
 հրրոց և հովիւ բանաւոր հօտիցն Վրիս-
 տոսի . սմա պատկանի "խահեութիւնն" ,
 առ 'ի բարեպ Կառավարել զժողովուրդ
 Տեառն , գղինս փրկաշար աշխան Արդւոյն
 Ըստուծոյ . "Օգոյշ կայէր անձանց և
 ամենայն հօտից , յորում եղ զձեզ Հոգին
 սուրբ տեսուչ՝ հովուել զժողովուրդ Տեառն
 զոր ասրեցոյց արեամբ իւրով" . Գործ
 Ի . 28 :

Պատկն է խորհուրդ սուրբ միաւորու-
 թեան , որով կենակցին այր և կին՝ միա-
 տրութեամբ սուրբ սիրոյ առ 'ի պաշտօն .

բիւ որդւովք . խնդրէ սա “զքարեխառնու-
 թիւն” , զի մի յափշտակեացէ զնոսա հեշ-
 տութիւնն շար ցանկութեան . “Օ՛ի որ ու-
 նիցին կանայս , որպէս թէ չունիցին” . Ի
 Աորն . Է . 29 .



Գ 1. ՈՒ Խ ԺԳ

Յ-դ-դ- հեղինակին խորհրդոյ :

Լուսին հեղինակ սրբարար խորհրդոյ
 է Հայր Աստուած . ըստ որում իշխա-
 նարար ցուցանէր նախահարց ՚ի հին օրէնս
 զանտաժիւն խորհրդոցն՝ բազմակերպ օրի-
 նակօք և նշանօք . որ ՚ի լրման ժամանա-
 կաց ՚ի վերջանալ մարդարէից , և ՚ի հա-
 տանիլ նախասահմանեալ աւուրց փրկու-
 թեան մերոյ , սահմանադրեաց փառակից
 Արդւոյն զամենայն նախադրեալսն : “Բա-
 զում մասամբք և բազում օրինակօք կան-
 խաւ խօսեցաւ Աստուած ընդ հարսն մեք
 մարդարէիք” . Աբբ . ան . 1 :

Անիջարար հեղինակ խորհրդոցն է Ար-
 դին Աստուծոյ Յիսուս Քրիստոս . ըստ
 որում ինքն բացայայտելով զամենայն շը-
 նորհական խորհուրդս աւանդեաց աշա-
 կերտաց իւրոց , է որ բանիւ՝ և է որ գոր-
 ծով . վասնորոյ տիրապէս հեղինակ շնոր-
 հարաշխ և սրբացուցիչ խորհրդոցն եկեղե-

ցոյ է Յիսուս Քրիստոս . ըստ այնմ ,
 “Շնորհք և ճշմարտութիւն ՚ի ձեան Յի-
 սուսի Քրիստոսի եղև” : Պարտ է զիտել
 և զայս , թէ ո՞ր և ե՞րբ և ի՞նչ եղանա-
 կաւ սահմանադրութիւն խորհրդոյն եղև
 ի Տեառնէ մերմէ . վասն որոյ ՚ի ստորե
 բացատրեսցի համառօտակի :

Մկրտութիւնն՝ ՚ի Յորդանան . ըստ որում
 ինքնին Յիսուս եկեաղ անդ ՚ի Աօղարեթէ
 գալիլեացոց , մինչ էրն իրբև ամաց Ե-
 բանից ընկալաւ զմկրտութիւնն ՚ի Յօհան-
 նէ . ոչ զի կարօտ էր մարտութեան սրբա-
 ցուցիչն ամենեցուն , այլ զի հաստատե-
 ցէ զխորհուրդ մկրտութեանն իւրով ան-
 ձառելի խոնարհութեամբ :

Խորհուրդ գրոշմին բանիւ աւանդեաց
 զկնի յարութեանն ասելով . “Այլ առջիք
 զգօրութիւն ՚ի հասանիլ Հոգւոյն սրբոյ
 ՚ի վերայ ձեր , և եղիջիք ինձ վկայք յԱշ-
 րուսաղէմ” . (Գործ . ւն . 8) : Ապաքէն
 գրոշմիւ զօրանամբ համարձակ խոստովա-
 նիլ զՆախտ հաւաստ Քրիստոսի , և ՚ի
 հռ . իս մեր հեղանի շնորհ սուրբ Հոգւոյն

իրբե կնիք անջնջելի : Եւ զայս պարս է
 աալ զկնի մկրտութեան անյապաղ՝ շանցու-
 ցանելով 'ի վերայ զժամանակ ինչ . զի
 յայս խորհուրդ հայեր իջունն Հողոտյն
 սրբոյ ազանակերտ 'ի վերայ կենարարին
 մերոյ Հիսուսի՝ ըստ այնմ, "Եւ իրբե մը-
 կըրտեցաւ Հիսուս ել վաղվաղակի 'ի ջը-
 րոյ անտի . և ահա բացան նմա երկինք .
 և ետես զՀոգին Աստուծոյ՝ զի իջանէր
 իրբե զազանի, և գայր 'ի վերայ նորա" .
 Մատ . ք . 16 :

Հաղորդութունն խորհուրդ սքանչելի , զոր
 'ի վերջին ընթրիան սահմանեաց . նախ օրհ-
 նելով զհացն և զգինին , և ապա յայանի
 բանիւ ասելով . "Այս է մարմին իմ , այս
 է արիւն իմ" . և այսու եղանակաւ քա-
 հանայագործելն մեզ աւանդեաց . ըստ այ-
 նում , "Օչայս արասջիք առ իմոյ յիշատակի"
 Վուկ . իք . 19 :

Ապաշխարութեանն զարմանալի խոր-
 հուրդ՝ նախ քան զչարչարանս իւր բացար-
 ձակ կարողութեամբ և իրբե հեղինակ
 քառութեան և թողութեան մեղաց կաա-

բեաց յաշխարհի . ըստ այնմ , “Գիտաս-
 ջիք եթէ իշխանութիւն ունի որդի մարդոյ
 յերկրի թողուլ զմեզս” . (Մատ . Թ . 6) :
 Եւ ցկինն մեղաւոր ասէր “Թողեալ լիցին
 քեզ մեղք քո” . (Ղուկ . Է . 48) : Իսկ յե-
 րեկոյի աւուրն միաշարաթող՝ յետ յարու-
 թեանն երևեալ աշակերտացն՝ ՚ի վերնա-
 տան անդ , ուր ժողովեալ էին՝ ետ նոցա
 զայս իշխանութիւն , յորժամ փչեաց ՚ի
 նոսա ասելով “Առէք Հողի սուրբ” . այս
 ոչ զւրութիւն պարզեաց սուրբ Հողոյն
 ցուցանէր , զոր ընդունելոց էին յաւուր
 Պենտէկոստէի . այլ՝ զիշխանութիւն կապե-
 լոյ և արձակելոյ . վասն որոյ անմիջաբար
 ասաց . “Այթէ ումեք թողուցուք զմեզս՝
 թողեալ լիցի նոցա . եթէ զուրուք ունի-
 ցիք՝ կալեալ լիցի” . (Յօհ . Ի . 23) :

Գերագոյն իշխանութիւնս այս ոչ յա-
 ռաքեալս միայն տարածեցաւ , այլ և յա-
 մենայն օրինաւոր յաջորդս նոցա վասն ո-
 րոյ գլխաւորն յառաքեալս երանելին Պետ-
 րոս զամենայն երիցունս եկեղեցւոյ պատ-
 ժաւակիցս և աթոռակիցս դրէ ասելով . “Օ՛հ .

ըիցունս այսուհետև աղաչեմ իբրև շերի-
 ցակիցս և զվկայս շարչարանացն Վրիստո-
 սի, որ և հանդերձեալ փառացն յայտնե-
 լոց հաղորդ” . (ւն . Պետ . Ե . 1) : Եւ
 սուրբն Պօղոս գերերջանիկ առաքեալն
 զարժանապատուութիւնն Տիտոսի գործակցի
 իւրում՝ հրատարակելով գրէ առ կորնթա-
 ցիս . “Բայց եթէ Տիտոսի ինչ բանք են ,
 իմ հաւատար է և ձեր գործակից” : Եւ
 սուրբն Գիսնէսիոս ՚ի վերնագիրն թղթոյն
 որ առ Տիմոթէոս , այսպէս սկսանի . “Ի քա-
 հանայէ Գիսնէսիոսէ՝ առ քահանայակիցդ
 մեր Տիմոթէոս” : Եւստի յայտ է , թէ որ
 շնորհեացն զպատիւ և զիշխանութիւնս ընտ-
 րելոց իւրոց՝ զնոյն և ոչ զլանայ յաջորդաց
 նոցին . և զայս յաղաչանս իւր որ առ Հայր
 գոհութեամբ հանդերձ՝ յայտնի արար ս-
 սելով . “Եւ ոչ վասն նոցա միայն աղա-
 չեմ , այլ և վասն ամենայն հաւատացելոց
 բանիւն նոցա յիս” . (Յօհ . ժէ . 20) :

Չայս բարձրագոյն իշխանութիւն յա-
 ռաջ քան զկամաւոր շարչարանս իւր , (Յի-
 սուս վերկիչն մեր խոստապաւ տալ զլիաւա-

բին առաքելոց երանելոյն Պետրոսի . և
այնու՝ ոչ միայն բարձր պատիւ զլիաւորու-
թեան նորին յայտ առնէր , այլև՝ իբրև փո-
խարէն ճշմարիտ դաւանութեանն նախա-
ժանօթ այսր սքանչելի խորհրդոյ առնէր .
որպէս թէ ասել կամէր Տէրն մեր . ո՞վ
Պետրոս նախապատիւդ յառաքեալս՝ դու
որ զիս Մատուած և Որդի Մատուծոյ խոս-
տովանեցար՝ յայտնութեամբն Հօր Մատու-
ծոյ , ՚ի դիմաց համօրէն աշակերտաց իմոց
ասելով . “Իս ես Քրիստոսն Որդի Մատու-
ծոյ կենդանւոյ” , ահա փոխարէն յայտնեմ
քեզ զխորհուրդն , որ միայն աստուածու-
թեանս է անկ . “Օ՛ի ո՞վ կարէ թողուլ
զքեզ եթէ ոչ միայն Մատուած” . կանխա-
գոյն զայս քեզ տսց իմանալ . իսկ յետ շար-
չարանաց և թաղման և յարութեան իմոյ
այնուհետև ոչ միայն քեզ , այլ և ամե-
նայն աշակերտակցաց քոց՝ առաքելոց իմոց
հաւասար սարգեւեցից յայտնապէս . “Տաց
քեզ զփականս արքայութեան երկնից . զոր
մասնգամ կապեացես յերկրի , եղիցի կա-
պեալ յերկինս . և զոր արձակեացես յերկրի ,

եղիցի արձակեալ յերկինս : (Մատ . ժգ . 19) : Այս երգէ եկեղեցին . "Ար խոտաացար տալ զփահանս արքայութեան երկնից երանելոյն Աետրոսի" : Եւ 'ի Տետութեան նոր կտակարանաց հատոր ք , 'ի Թըլթա համարի 22 . 'ի վերայ սյսր բնաբանի գրի : "Աետրոս մեծապէս զովելի գտաւ , և ընկալաւ զանվրէպ խոստումն մեծի մասին պահելոյ նմա 'ի Տետոնէ" : Այս միտ ընթանան ամենայն մեկնիչք և վարդապետք ճշմարտութեան :

Այլ թէ զի՞որդ զայս խորհուրդ ապաշխարութեան նախ քան զանպարտական շարչարանս իւր Տէրն մեր խոստանայ , և յեա կամաւոր շարչարանացն և հրաշափառ յարութեանն տայ ամենայն ընտրեալ աշակերտաց իւրոց . զի թէպէտ զինի ընտրելոյն ետ նոցա զօրութիւն և իշխանութիւն հանել զղևս , և բժշկել զամենայն ախտս , բայց ոչ կապել և արձակել . ըստ որում գեռ շէր շարչարեալ . վասն զի փրկարար խորհուրդ ապաշխարութեանն՝ է տիրապէս արդիւնք շարչարանացն Վրիսաոսի Տետոն

մերոյ , զի նովաւ հաճոյանայ ապաշխարու-
 թիւն մեր առաջի հօր Աստուծոյ : Վասն
 որոյ 'ի խաչէ անտի խնդրելով զթողու-
 թիւն խաչահանուացն իւրոց՝ պարգևէր
 յոյս թողութեան ապաշխարող մեղաւո-
 րաց . ըստ որում ճշմարիտ որդի Աստու-
 ծոյ՝ զոչէր առ Աստուած Հայր . և զոլով
 մեղ միջնորդ հաշտութեան՝ աղաչէր զնա
 ներել յանցանաց մերոց : Ապաքէն յոյժ
 պատշաճաւոր եղև զկնի յարութեանն տալ
 զիշխանութիւնս զայս . զի զգլջումն ապաշ-
 խարութեան մերոյ՝ միջնորդ ունելով զփր-
 կագործ շարչարանս , զմահ և զթաղումն
 Հիսուսի կենարարին մերոյ , ընդունի
 զաստուածային ներողութիւնս . ըստ ան-
 վճռէպ քարոզութեան իւրում այսպէս .
 “Պարտ էր շարչարիւ Քրիստոսի . և յառ-
 նել 'ի մեռելոց յաւուր երրորդի , և քա-
 րոզել յանուն նորա ապաշխարութիւն և
 թողութիւն մեղաց յամենայն ազգս . (Ղուկ.
 Ի Գ . 46) . Եւ յայս դիտաւորութիւն հայի
 երդ սուրբ եկեղեցւոյն . “(Օրհնեմք զքեզ
 անսկիզբն հայր որդւոյդ միածնի , զոր ա-

ապրեցեր 'ի դարձումն մոլորեալ ոչխարին .
 դարձ: և զմեզ 'ի մեղաց որդւոյ քո շար-
 շարանօք" : Բննողաց զգիրս սուրբս յայտ-
 նի իսկ է այս ամենայն :

Վերջին օժման խորհրդոյ 'ի Տեառնէ
 սահմանեալ լինելն անտարակուսելի է . զի
 առաքեալք առ ժամանակօք նորին փրկա-
 գործ անօրէնութեան 'ի գործ արկանէին
 զայս : Այլ յայտնի երեի' թէ Յիսուս
 Տէրն մեր զայս խորհուրդ սահմանեաց ,
 յորժամ ուսուցանէրն զգործս պաշտաման
 իւրեանց , տալով նոցա զգորութիւնս և
 զիշխանութիւնս , որպէս ասաց . "Օհի-
 ւանդս բժշկեցէք" . (Մատ . Ժ . 8 :) Թէպէտ
 աստ ոչ որոշի , և թէ ի՞նչ եղանակաւ կա-
 տարէին զայս առ վտանգաւոր հիւանդս ,
 բայց սրբազան աւետարանիչն Մարկոս
 յայտնի առնէ զայս եղանակ ինչ ասե-
 լով . "Այ օժանէին իւղով զքաղութ
 հիւանդս , և բժշկէին զնոսա . (Մարկ . ք .
 13) : Այ յետոյ 'ի ձեռն Յակոբայ առա-
 քելոյն եղբօր Տեառն հրատարակեալ է .
 զի և մուծաւ յեկեղեցիս , և դասեցաւ

ընդ սրբարար խորհուրդս եկեղեցւոյ :

Արբազործ կարդն ձեռնադրութեան , որով աւանդի հոգևոր իշխանութիւն , առ 'ի կատարել օրինապէս զեկեղեցական պաշտամունս , և աւետարանական քարոզութեամբ հովուել զհաստապցեալս , է արապէս սահմանեալ 'ի Վրիստասէ իբրև 'ի Էջմարխտ քահանայապետէ անտի , որ նախ զաշակերաս իւր ըստ պահանջման տաքելական պաշտօնի կարգու յաստիճան առ սասիճան բարձրացուցեալ , 'ի վերջոյ յաւուր համբարձման հանէ զնոսա 'ի զլուիբ լերին ձիթենեաց' որ մըձ էր 'ի զիւրն Բեթանիայ , և ամբարձեալ զաստուածեղէն ձեռս իւր՝ օրհնեաց զնոսա , տարով նոցա զամենայն աստուածային շնորհս և զամենայն աշտիճանաց բարձրութիւնս , որպէս զի և նորա յաջորդաց իւրեանց 'ի նոյն օրինակ մատակարարեացեն զպաշտօն շնորհին : " Եւհան զնոսա մինչև 'ի Բեթանիա և ամբարձեալ զձեռս իւր օրհնեաց զնոսա" : (Վրուկ . իմ . 50) : Եւ առաքեալն գրէ առ Տիմոթէոս . "Մի' ան-

փոյթ առներ զՆորհայդ՝ որ 'ի քեզ են . որ
 առաւ քեզ մարգարէութեամբ 'ի ձեռնա-
 դրութենէ երկրութեան" . ան . Տիմ . ք . 14 .

Աստի ե խորհուրդ եկեղեցւոյ յարարչա-
 գործութեան անդ սահմանեալ յԱստու-
 ծոյ 'ի վերայ նախածնողաց մերոց , աստու-
 ծային կամօքն գուգաւորելով զնսա յան-
 անջատ միաւորութիւն և յանբաժանելի
 ամուսնութիւն առ աճելութիւն սերնդոց
 ազգի մարդկան : Աստի Ազամայ այն ինչ
 սթափեալ իբր 'ի քնոյ , և տեսեալ զկին
 իւր զԱւայ առ ընթեր իւր՝ ինքեան իսկ
 համանման , և հաճեալ բնականապէս
 ընդ նա և սիրեալ զնա իբրև զիւր մարմ-
 նոյ մասն , սկսաւ մարգարէանալ յազգե-
 ցութենէն Աստուծոյ՝ և իբրև 'ի զիմաց Աս-
 տուծոյ՝ բարբառելով առ ապագայ սերունդս
 իւր ասէ . "Այս այժմիկ ոսկր յոսկերաց
 իմոց , և մարմին 'ի մարմնոյ իմոյ . սա կո-
 շեսցի կին , զի յառնէ իւրմէ առաւ . վասն
 այնորիկ թողցէ այր զհայր իւր և զմայր
 իւր , և երթիցէ զհետ կնոջ իւրոյ , և ե-
 ղեցին երկուքն 'ի մարմին մի . (Ծնն . ք .

23) : Եւ զայս սուրբ ամուսնութիւն առն
 և կնաջ վերստին հաստատեաց հզօրագոյն
 բանիւ իւրով Տէրն մեր Յիսուս , առ ան-
 անջատ միաւորութիւն , յասելն վճռալար .
 " Ըստ ուրեմն ոչ են երկու՝ այլ մի մար-
 մին , աշդ՝ զոր Ըստուած զուգեաց մարդ
 մի մեկնեացէ" . Մատ . յԹ . 6 :

Ի սկզբանէ աշխարհի զահմանեալն
 յԸստուծոյ զամուսնական զայս սուրբ միա-
 ւորութիւն , կամելով Յիսուսի մուծանել ՚ի
 խորհուրդ սուրբ եկեղեցւոյ , անձամբ իսկ
 հաճեցաւ զնալ ՚ի հարսանիսն Կանա գա-
 լիկեացւոց առ ՚ի մեծացուցանել զայս խոր-
 հուրդ՝ և հաստատել առ օրինաւոր աճու-
 մըն բանական սեփոյս . (Յօհ . ք . 1) ,
 Մեծ է այս խորհուրդ ամուսնութեան
 քրիստոսեից , որ հայի ՚ի Քրիստոս և յե-
 կեղեցի . ըստ առաքելոյն , (Եփես . Ե . 32) ,
 Ըյօրինըն նշանակէ զհոգևոր միաւորութիւն
 Քրիստոսի ընդ եկեղեցւոյ իւրոյ . զի ե-
 կեղեցին է սուրբ կոյս՝ և անարատ հարսն՝
 անմահ երկնաւոր փեսային Քրիստոսի .
 զոր սիրէ իբրև զիւր մարմին և սնուցանէ

խնամօք իւրովց բարերարութեան . և դարմանէ կենդանարար խորհրդով անմահաբար մարմնոյ և արեան իւրոյ , և վարդաբէ՛ զանազան պարգևօք և փառօք . (Նփես . Ե . 29) : Ըյսպէս պարտաւորի իւրաքանչիւր որ սիրել և դարմանել զիւր օրինաւոր կին իբրև զիւր մարմին , ամուսնական իրաւամք խնամելով և զիջանելով 'ի տկարութիւն բնութեան նորին . և կինն պարտի մեծարել զայր իւր յամենայնի հնազանդ լինելով , և երկնչելով յառնէ իւրմէ իբրև 'ի խնամածու տեսունէ . (Նփես . Ե . 33) :

Անձ է խորհուրդս այս 'ի շնորհական օրէնս Քրիստոսի . զի առն և կնոջ քրիստոնէից ամուսնացելոց՝ այս մութիւնն է ընդ իրեարս , որ աճեցուցանէ զճնունդս հաւատացեալս և բազմացուցանէ ընտրանակ որդիս Ըստուծոյ . (Գաղ . Կ . 27) : Ըստ ինքեան բնականապէս մեծ է և սքանչելի խորհուրդս այս ամուսնութեան . զի երկու անհատք անձանօթք իրերաց՝ միանգամայն յարին առ միմեանս և սիրայօգ կապակցին այնպէս՝ մինչև մոռանալ զազ-

քականս՝ զբարեկամս՝ զմերձաւորս ծանօթս՝
 և զոր մեծն է զճնօղս անդամ՝ իւրեանց ։
 Վաղանածածուկ ողբխաւնութիւն իմե է
 այս ծածկեալ ՚ի բնութեան մերում ։ և
 վերին արարչական տեսչութեանն մեծ խոր-
 հուրդ՝ ՚ի բազմաւորութիւն ճննդոց մարդ-
 կան օրինաւոր միաւորութեամբ ։ Արդ՝ ե-
 թէ ոք ՚ի կանանց և յարանց խտորի
 յայտը տիրասահման օրինաւոր ամուսնու-
 թենէ , և խաւնակին ազաօք ընդ ազատս
 արտաքոյ կանոնաւոր ամուսնութեան , և
 կամ եթէ ոք ընդ օտար ամուսնոյ շաղա-
 շարի՝ շուն կոչին այնպիսիք և սյունիկք ,
 մանաւանդ եղծիք ամուսնական հաւա-
 տարմութեան , և հակառակք աստուած-
 ծային բարեկարգութեան . որով ոչ միայն
 յանարդեալս դատին ՚ի բարեմիտ մօրզկա-
 նէ , այլ և զրկին յաստուածային շնոր-
 հաց և փառաց՝ անկեաք ընդ դատապար-
 տութեամբ ահեղ դատաստանին Աստու-
 ծոյ ։ “Պատուական է ամուսնութիւն և
 սուրբ են անկողինք . բայց զշունս և ըզ-
 պոսնիկս դատի Աստուած” . Աբր . ԺԳ . 4 ։

ԳՆՈՒԽ ԺԳ

Յորտոյ զանազանութեան խորհրդոյ :

Ի խորհրդոյ եկեղեցւոյ ոմանք են հարկաւորք ամենեցուն , և ոմանք հարկաւորք ոչ ամենեցուն . ոմանք են կրկնելի , և ոմանք ոչ կրկնելի . զորս պա՛րտ է զիտել և ճանաչել մեղ :

Մկրտութիւնն է հարկաւոր ամենեցուն առ 'ի փրկիլ 'ի սկզբնական մեղաց , և լինել ժառանգաւոր աստուածային հանգերձեալ փառաց . սա չէ կրկնելի , զի խորհուրդ մկրտութեան ունի զիսկական կերպարան փրկարար խաչին և կամաւոր կենսածիր մահուանն Քրիստոսի հետոն մերոյ : Աստի յարարողութեան անդ խորհրդոյ մկրտութեան երկոյս ընկղմելն զբրեխան 'ի ջուր անդր , նշանակէ զերեքօրեայ թաղումն փրկչին մերոյ . զի 'ի ձեռն կատարման խորհրդոյ մկրտութեան՝ լինիմք խաչակից և մահակից Քրիստոսի . որով և փառաց նորին ժառանգակից : Արեւմ

արդէս անհնար է վերստին խաչիլ Քրիստոսի և 'ի մահ անդր գալ , նոյնպէս միանգամ մկրտելոյն անհնարին է կրկին անգամ մկրտիլ , և մտածելն անգամ" է մեղանշումն չարաշար : "Աթէ ոչ դիւէք , զի որ միանգամ մկրտեցայք 'ի Քրիստոս Յիսուս 'ի մահ անդր նորա մկրտեցայք . թաղեցայք ընդ նմին մկրտութեամբն 'ի մահ և" . Հոով . Գ . 3 . և Աբբ . Գ . 4 :

Կրոջմն է հարկաւոր ամենայն մկրտելոց առ 'ի զօրանայ շնորհօք սրբոյ Հոգւոյն և արխանալ ընդդէմ հնարից չարին . և այս իսկ է անկրկնելի . "Քանզի անզեղ են շնորհք և կոչումն Աստուծոյ" . Հոով . ԺԹ . 29 :

Խորհուրդ հաղորդութեան կենարար մարմնոյ և արեանն Յիսուսի փրկչին մերոյ՝ է հարկաւոր ամենայն քրիստոնէից հրաժարելոց 'ի մեղաց կատարեալ զգլմամբ առ 'ի հաղորդակցիլ սրբութեան և անմահութեան Յիսուսի Քրիստոսի . և սա է խորհուրդ կրկնելի : "Քանիցս անգամ թէ ուսիցէք զհացս զայս , և զրամակս

ըմպիցէք, զմահ Տեառն պատմեցէ՛ք, մինչև եկեսցէ նա՞. Թ. Աորնթ. ԺԿ. 26 :

Ազգաշխարութիւնն է հարկաւոր ամենեցուն անկեղոյ 'ի ներգործական մեղս. առ 'ի զգլխալ սրաիւ և խղճիւ մտաց հրաժարիլ 'ի մեղաց և զհետ լինել գործոց քարեաց, և կատարեալ խոստովանութեամբ առաջի քահանային՝ հասանիլ աստուածային ներողութեանն. և այս խորհուրդ է կրկնելի : “Տէր՝ քանիցս անգամ եթէ մեղիցէ ինձ եղբայր իմ, և թողից նմա, մինչև յեօթն անգամ : Ասէ ցնա Աստուս ոչ ասեմ քեզ՝ թէ մինչև յեօթն անգամ : այլ մինչև յեօթանասնեկին եօթըն” . Մատ. ԺԸ . 21 :

Վերջին օժման խորհուրդն որ կատարի 'ի ձեռն աղօթից կարգաւորաց՝ է հարկաւոր վտանգաւոր հիւանդաց՝ վասն թեթեւութեան և բժշկութեան ցաւոցն և վասն ներողութեան յանցանացն, և զիւրութեամբ հասանելոյ հողուվ առ վերջին վախճանն աստուածատեսութեան : Այս խորհուրդ չէ այնչափ յոյժ հարկաւորա-

դոյն ամենեցուն , որպէս զնախասացեալ
խորհուրդսն , որովք միայն լինի փրկութիւն
հոգւոց , և ժառանգութիւն աստուածային
երանութեան և յաւիտեանական փառաց .
և այս խորհուրդ է կրկնելի՝ և կարեւոր
հիւանդաց կարի տապնապելոց , եթէ ժա-
մանակն՝ տեղին և միջոցն ներեսցէ . ըստ
առաքելոյն բանի . “ Հիւանդանայցէ որ ՚ի
ձէնջ՝ կոչեսցէ զերկիցունս եկեղեցւոյն՝ և
արասցեն ՚ի վերայ նորա աղօթս . օձցեն
իւղով յանուն Տեասն . և աղօթքն հա-
ւաստեք փրկեսցին զաշխատեալն , և յա-
բուսցէ զնա Տէր , և եթէ մեղս ինչ իցէ
գործեալ՝ թողցի նմա” . Ասմու . Յակ .
Է . 14 .

Արդ՝ եթէ հիւանդանայցէ որ ՚ի ձէնջ
ասէ՝ հիւանդութիւն վնասակար , յորմէ
հրամեշտ տայցեն ճարտարութիւնք բժըշ-
կաց՝ պարտ է զհոգեւոր բժիշկս կոչել ,
որ ոչ կարօտանան բանջարոց և արմատաց
գտոն դեղոց և հեղանխութից աս բժշկու-
թիւն . այլ ազգու դեղ բժշկութեան նս-
ջա է ջերմեանդն դիտաւորութեամբ ա-

ղօթք և խնդրուածք սրտի՝ ըստ Սարգսի
 Հնորհալոյն մերոյ . “Օճչմարիտ բժշկն
 Յիսուս ՚ի կարիս հիւանդին խոնարհեցուցա-
 նեն” : Ո՛վ սքանչելի զօրութեան աղօթից
 արժանաւոր և ժարասիրտ հոգևոր արանց .
 “Օ ի աղօթքն (ասէ առաքեալն) հաւատովք՝
 փրկեսցեն զաշխատեալն , և յարուցէ զնա
 Տէր” : Ի բնարանի աստ սուրբ վարդա-
 պետն մեր Հնորհալին Սարգիս բացայայտ
 ասէ . “Եթէ ո՛չ իւղն ինչ տայր զառող-
 ջութիւն հիւանդին . այլ՝ անուն Տեառն” :
 Մանաւանդ Յիսուս հեղինակն խորհրդոց
 այսպէս աւանդեաց առաքելոց զայս խոր-
 հուրդ՝ յասելն . “ Ի վերայ հիւանդաց
 ձեռս զիցեն և բժշկեցին” . (Մարկ . ժլ .
 18) : Ուստի սրբազան առաքեալք մերթ
 յանուն Տեառն բժշկէին զհիւանդս , և
 մերթ՝ ձեռս զնելով . “Յանուն Յիսուսի
 Քրիստոսի նազովրեցւոյ արի՛ և զնա” .
 ասացին ՚ի ծնէ կաղին . (Գործ . 4 . 6) :
 Եւ եղև հօրն Պոպղեայ ՚ի ջերմն և յախտ
 թանչից հիւանդանալ՝ զնել . առ որ մը-
 տեալ Պօղոս՝ և կայեալ յաղօթս՝ եգ ըզ-

ձեռն և բժշկեաց զնա" . Գործ . իլը . 8 :

Իսկ ոմանք յառաքելոց սրբոց նկատեալ , զի առ իսրայէլեան ազգն սովորութիւն էր յարդանօք պահել և ունիլ զսուրբ իւզ 'ի մարգարէից անախ , զոր գործածէին 'ի նուիրեալսն Մատուծոյ՝ առ որս գտանիւր և իւզս անուշահոտս և ծանրագինս . (Թաղ . ԺԳ . 1 : Սաղմ . 3ը . 18 : Զօհ . ԺԷ . 3) : Վասն որոյ երբեմն նոյն նիւթով իւզոյ մերձենային առ հիւանդս և օժանէին զնոսա , և այնու բժշկէին . բայց զօրութիւնն ելանէր յաղօթից նոցա և յանուանէն Զիսուսի Քրիստոսի :

Այս հիւանդաց յոյժ կարեոր են աղօթք սրբակրօն կարգաւորաց , զնելով ըզձեռն 'ի վերայ ախտացելոց , որպէս Տէրն մեր Զիսուս վճռելով պատուիրեաց . "Չեռս զնել 'ի վերայ հիւանդաց" : Շնորհ՞ք բժշկութեան՝ որ պարզեի տաղնապեալ հիւանդաց հաւատացելոց , ոչ զձեռն զնազին է 'ի վերայ հիւանդին՝ և ոչ իսկ աղօթողին . այլ երկնաւոր բժշկապետին Զիսուսի Քրիստոսի : Իսկ պաշտօնասէր և

քրքակրօն երիցունք սպասաւորք են^{ոյն} շք-
 Տին , և արժանահայց մաղթանօք և՛հայդ՝
 դրրուածութե իւրեանց՝ արժանաւորս և՛Գա-
 դունակս շնորհայ տոնեն զհաւատացեալ^{ու-}
 Արեւմն այս խորհուրդ բժշկութեան անշ-
 շուշա կատարի առ հիւանդս և տեատնա-
 գրութեամբ սրբոյ խաչի՝ և աղօթիւք , զոր
 յաճախ դործադիր լինին ջերմեանդ և հո-
 գեսէր աղց մեր 'ի վտանդաւոր հիւանդս
 իւրեանց՝ կոչելով զքահանայս և խնդրելով
 հաւատով մեծաւ զաղօթս և զընթերցմունս
 սրբոյ Աւետարանի բժշկութեան . և այս
 իսկ է վայելչական կատարումն խորհրդոյն՝
 յառաջին դարուց անախ եկեղեցւոյ մեծա-
 բեալ . զորմէ զրէ իրաւամբ Հայր Գար-
 բիէլ 'ի մեկնութեան թղթոց Պօղոսի հա-
 աօր ւն . 'ի թղթահամարի 910 : "Ա. Կ.
 երբեմն զնկով զձեռն 'ի վերայ ախտացե-
 լոց որպէս Տէրն խոստացաւ . (Մար . ժգ .
 18) : Աւ բազում անգամ աղօթիւք և
 տեատնագրութեամբ խաչի . որ է արարու-
 զութիւն 'ի կիր արկեալ յառաջին դարուց
 եկեղեցւոյ" : Տես զի կարող է ամենա-

օրութիւնն Հիսուսի թաշկինակաւ
լամակաւ սրբազան առաքելոյն Պօ-
հրաշապործել 'ի հիւանդս՝ յօժարե-
լուղիղ հաւատս նորին իսկ տապնա-
լիւոյն՝ և մաղթողացն զնոյն . որպէս գրի
'ի Գործոց . ԺԹ . 11 : “Եւ զօրութիւնս
ոչ սակաւս առնէր Լստուած 'ի ձեռն Պօ-
ղոսի . մինչ զի և 'ի հիւանդս տանիլ 'ի քրք-
տանէ նորա թաշկինակս կամ՝ վարչամակս ,
և մերժել 'ի նոցանէ ախտիցն և այսոց
չարաց ելանել” :

Խորհուրդն ձեռնադրութեան՝ որ է
եօթնաստիճան իշխանութեան քահանայա-
կան կարգի , հարկաւոր է կոչեցելոց և ընտ-
րելոց 'ի պաշտօն սրբարար խորհրդոց ըս-
պասաւորութեան՝ և հոգեոր հովութեան .
որով կարգի հոգեոր սնտես աստուածային
սուրբ և փօկարար խորհրդոց . և իբրև
հովիւ արթուն և քաջ առ 'ի առաջնորդել
'ի բարի վարս , և խնամել քրիստոնէական
ողջամիտ վարդապետութեամբ զբանաւոր
հօան ճշմարիտ հովուապետին Վրիստոսի .
և այս խորհուրդ չէ՛ կրկնելի 'ի վերայ ան-

ձին միայն՝ ընդունողի միանդամ զնոյն շք-
նորհ : “Այն անփոյթ առներ զշնորհացդ՝
որ ՚ի քեզ են , որ առաւ քեզ մարդա-
րէութեամբ ՚ի ձեռնագրութենէ երկու-
թեան . յայդ խորհեաց և ՚ի դոյն կան-
խեցիւր . զի քո յասաջագիմնութիւնդ ա-
մենեցուն յայանի լիցի” . Իմ Տիմ . դ . 14 .

Աստանոր արժան էր մեզ քաղել զսանս
զանազան խրատուց և յորդորանաց կա-
րեորագոյն եղելոց այսր հոգևոր և երկնա-
քերձ աստիճանի քահանայութեան՝ յաս-
տուածային սրբազան գրոց . և միանգա-
մայն նուիրել ասաջի հարց սրբոց՝ իրե
զուղեցոյց անմահ կենդանութեան : Այց
քաջագոյն նկատեալ իմ յաստուածաշնորհ
և դերալսեմ բանս խրատականս և յոր-
դորականս , նուիրեալս ՚ի սրբազան և ճաշ-
խարհիկ մեծ հայրապետէն մերմէ ՚ի Աեր-
սիսէ Շնորհալոյ՝ յա սրբազան գասս ե-
պիսկոպոսաց և քահանայից , որ է ազգու
և բաւական խրատ և աստուածագղեցիկ
յորդոր սո իւրաքանչիւր աստիճանաւորս
յոյժ վայելչական : Այսու ելիւ որ յաս-

տիճանաւորաց՝ աչալուրջ մտօք ընթերցեալ
 և արդեամբ կերպարանեսցի 'ի նոյն նմա-
 նութիւն աստուածաշնորհ բանից նորին՝
 հարկաւ զհրեշտակացն յանձին բերէ զա-
 նարատութիւն , անվրէպ և անդատապարտ
 Թալով 'ի պաշտօնի իւրում : 'Խ վերայ
 այսց հոգելոյս բանից նորին երկրորդել
 բարգել և յաւելուլ զբանս մեր յորդորա-
 նաց անպաշաճ համարեցաք , այլ միայն
 կնքել զմեծայարգ և զկրկնապատիկ վար-
 ձուց արժանաւորութիւնս պաշտօնասէր հո-
 գաբարձուաց եկեղեցւոյ՝ բանիւ սրբազան
 առաքելոյն Պօղոսի արժան գատեցաք ,
 զոր զրէ նա յայանելով զարժանին արի-
 տուր վաստակաւորաց եկեղեցւոյ յասելն .
 "Ար բարւոք վերակացու լինին երիցունք ,
 կրկին պատուոյ արժանի եղիցին . մանա-
 ւանդ որ աշխատիցին բանիւ և վարդապե-
 տութեամբ" , ւն Տիմ . Կ . 17 :

Պսակն է խորհուրդ եկեղեցւոյ , յո-
 բում այր և կին համահաճութեամբ սրտի և
 կամաց լծակցին յօրինաւոր և 'ի սուրբ ա-
 մուսնութիւն : Սա է ազատաբար հարկա-

ւոր ամենեցուն , առ բնականաբար վարիչ
 յաշխարհի . և ըստ աստուածային վճռոյն
 անբռնակի միանալ յանարատ սէր կենակ-
 ցութեան՝ և զուգիւ իբրև 'ի մի մարմին
 բարոյական և օրինաւոր միութեամբ , ծը-
 նանիլ զորդիս և ձեռնաուութեամբ միմեանց
 մնուցանել զնոսա , և կրթել 'ի բարի վարս
 և յաստուածոյաշտութեան , լինելով օրի-
 նակ բարի վարուց և առաքինութեան առ
 օրդիս իւրեանց . և այս իսկ է սնծխաելի
 և հարկաւորագոյն պարաք հարց և մարց .
 Ապա բարի է առն և կնոջ բերիլ յօրի-
 նաւոր ամուսնական միութիւն , յորոց բող-
 քոջին օրդիք առ անբնդհատ աճելութիւն
 «Եւնգոյ մարդկան» . "Աչ է բարւոր մար-
 դոյդ միայն լինել . արասցուք զմա օգնա-
 կան ըստ զմա . (Ման . ք . 18) . Օխ
 եթէ ամուսնանայցես , ՚չ մեղար . և եթէ
 ամուսնանայցէ կոյսն , ՚չ մեղաւ . բայց
 նեղութիւն մարմնոյ ունիցին այնպիսիքն ,
 այլ ես խնայեցի 'ի ձեզ" . Թ Աորն . է .
 28 .

Այլ երկրորդաբար խորհուրդս այս ա

մունութեան է հարկաւոր ամենեցուն բընականապէս . զի մի լեցի զեղիսիլ 'ի շարագրդիս ակտոս պոռնիութեան . այլ որ անկարանայ ողջախոհութեամբ յաղթել անյայ կրիցն ցանկութեան՝ կարէ սանձել զբռնութիւն նորա օրինաւոր ամունութեամբ : «Բայց լիան պոռնիութեան իւրաքանչիւր որ զիւր կին կացի . և իւրաքանչիւր որ կին՝ զիւր այր կացի» : (Թ Արճ . Է . 2) : Եւ այս խորհուրդ կարէ կրկնել 'ի վերայ ամուսնացելոց եթէ մինն մնոցի . զի սոյն այս ամուսնական միութիւն առն և կնոջ անկարելի է բաժանիլ 'ի միմեանց . բայց միայն մահուամբ միոյն : «Վանզի կին առնակին 'ի կենդանի այր իւր կապեալ կայ օրինօք . իսկ եթէ մնոցի այրն , արձակեալ է յօրինաց առն : Եւս ուրեմն , մինչ կենդանի է այրն , շուն կոչի՝ եթէ լինիցի առն այլում . և եթէ մնոցի այրն՝ ազատ է յօրինացն չհամարեալ շուն՝ եթէ լինիցի առն այլում» . Հոտմ . Է . 2 , 3 :

Երդ՝ ազատութիւն ոչ զոյ յօրէնս ամունութեան 'ի հատուցման մշանջենաւոր

պարտուց ամուսնական օրինաց . որով
 նուաճեալ ընդ իշխանութեամբ իրերաց՝
 տիրեն 'ի վերայ անձանց միմեանց . և շն
 իսկ ազաւթ , այլ ծառայ միմեանց , ցոր
 չափ տիրէ 'ի նոսա օրէնք ամուսնական մի
 ութեան . (ւն Աորն . Է . 3 , 4) : Ամաւ
 ըծակցին ընդ միմեանս յամուսնութեան
 ժամու , և ակամայ սպարտաւորին բառնալ
 զտկարութիւնս միմեանց 'ի զանազան դիպ
 աւածս աշխարհային բերմանց . եթէ 'ի
 ծնունդս զուակաց՝ ցար և տառապանք
 անհնարին . իսկ եթէ մահ զուակաց դի
 պեսցի՝ սղբումն և տրամութիւն առչորէ
 զտիրաս նոցին : Այլ անծնունդ լիցին՝ ո՞ր
 չափ հողք են նոցա , իբրև անմխիթար
 յամուսնական վիճակէ անախ : Այլ եթէ
 բաղմամբն՝ բազում աշխատութեանց առա
 ւել կարօտին 'ի բարւոք դարմանել զնոսա
 և 'ի դաստիարակել : Այլ համաբարոյ
 միմեանց պատահեսցին և քաղցր վշտակից
 և կարեկից իրերաց , չիք պիտոյ նոցա այլ
 ևս ստիթ և նիւթ բերկրութեան և մխ
 թարութեան : Իսկ եթէ ընդ հակառակն

սրատահերցի , այսինքն՝ բնութիւնը անհամ-
բոյրք՝ բարք անզգամք , վարք շարայոյրք
և մտկեկանք , չիք այնուհետև նոցա մխի-
թարութիւն . մահուան միմեանց սղտակն
օր աւուր . իբրև զալիս ծախս տատանին
յանհնարին տատայրանս և անհանդուրժելի
տուայտանս տխրութեան . և յայնժամ ար-
ժան է զնահալութիւն նոցին կոչել առն
ցաւոյ և հոգոյ :

Ահա ընդ արքան գժուարութիւնս նե-
ղութեանց և ընդ ծանրութիւնս ամուսնու-
կան կենցաղալարութեան տարակուսալ
սրբազան սուտիւղին , համարձակեալ ասէին
ցՏէր մեր Անուս . “Աթէ այդպէս ինչ
վնաս իցէ ընդ այր և ընդ կին՝ լաւ է շա-
մուսնանալ” . (Մատ . ժԹ . 10) : Այսին
որոյ Տէրն մեր Անուս վերացուցանէ ըզ-
միտս նոցին յաշխարհային բազմահոգ ծը-
փանաց , և ամէ զնոսս յաստուածային
ազատարար օձանգալութիւն , որ է վիճակ
կուսութեան . յորում լինի օղնականու-
թեամբ սաստուածային շնորհաց ճղնիլ և հա-
զալ միայն զգաշածն Աստուծոյ կտտարել

անդրադ մտօր . և յաղթել Խնատուօր կրից
բանութեան մարմնոյ և առնուլ զայսակ ե-
րանութեան երկնից արքայութեան . յի սոն
որոյ զայս ետ պատասխանի աշակերտաց իւ-
րոց . “Այ ամենեկեան բուսկան են այդմ
բանի . այլ որպի տուեալ է . . . և են
ճերբինիք՝ որ զանձինս իւրեանց արարին
ներբինիս վասն արքայութեան երկնից . որ
կարողն է տանել՝ տարցի” . Մատ . ժԹ .
11 , 12 .

Աշտանի որ ներբին յօժարութեամբ օրտի
զցերաշխարհիկ զայս կրօն հրեշտակոյին
բարձեալ տանի . հրաժարեալ յարագովախ-
ճան յունայնութեանց աշխարհային վայել-
մանց , ժուժկալեալ ողջահաս մտօր և ՚ի
բաց մերձեալ զամենայն առիթս զրգոխս
մարմնական հեշտախաութեանց . և ազատ
պահեալ զխորհուրդ մտայն ՚ի հօդոյ ժա-
մանակաւորաց , պատրաստի միայն ժա-
ռայել կամօցն Աստուծոյ , և անանջատ ա-
շակերտիլ Հիսուսի կենարարին մերոյ և
պաշակի զհաճոյս նորին . որպէս բարոյապա-
ցուցանեն վկայութիւնքս . “Այ ամենայն

որ որ եթող զառն՝ կամ զեղբարս կամ
 զքորս կամ զհայր կամ զմայր՝ կամ զկին
 կամ զորդիս կամ զպարտակս վասն անուան
 իմոյ , հարիւրապատիկ սոցէ և զկեանս
 յաւիտեանականս ժառանգեսցէ . (Մատ .
 ԺԺ . 29) : Ըստ կամիմ զձեզ անհոգս
 լինել . զն որ անկիրն է , հոգայ զՏեառն՝
 թէ որպէս հաճոյ լիցի Տեառն . և որ կա-
 նամբին է , հոգայ զաշխարհիս թէ որպէս
 հաճոյ լիցի կնոջ իւրում” . Ին Աորն .
 Է . 32 :

Օջնխագոյնս լսել եթէ որ հաճեսցի յա-
 զպս զերազանց շնորհի կուսութեան , ըն-
 թերցցի զյատուկ ճառս կուսութեան Ոս-
 կերերանին , զորմէ ընդարձակս վարդապե-
 տէ : Իսկ մեք Ըստուծոյ ամբ զիւրաքան-
 չիւրոց զկոչումն . եթէ աշխարհականաց ա-
 մուսնացելոց ըստ կամոյն Ըստուծոյ , և ե-
 թէ կուսանաց հրաժարելոց կամօք յաշխար-
 հէ ըստ հոգևոր սպասաւորութեան պաշ-
 տամանցն Ըստուծոյ՝ վկայութեամբ սրբա-
 զան առաքելոյն Պօղոսի վերջացուցեալ
 զբան մեր . եթէ , “Իւրաքանչիւր որ զիւր

շնորհս ունի յԱստուծոյ , ոմն այսպէս և
 ոմն այնպէս” . (Ին Աստուծոյ . Է . 7) : Աստուծոյ
 յամենայնի խոնարհեցուք առաջի աստուա-
 ծային շնորհաց՝ ներքին կոչման նորին հը-
 նազանդելով : Արթուն մտօք՝ կենդանի
 հաւատով և մաքուր սրտիւ , սկինդ կայցուք
 զաւետարանական և զառաքելական ողջա-
 միտ վարդապետութիւնս , և զսրբազան ա-
 ւանդութիւնս իբրև զզանձս անկասպտելիս
 ունիլ ՚ի գանձարանի մասց մերոց : Ա-
 րամենայն զգուշութեամբ պահպանեցուք
 զհոգիս մեր , զի մի ոք ՚ի շարայոյդ խար-
 դաւանողաց՝ հոգեկորուստ խաբէութեամբ
 որսասցի զմեզ ՚ի ծուղակ կորստեան , յա-
 փըշտակելով զբարի խորհուրդս մասց մե-
 րոց և ունայնացուցանելով ՚ի մեզ զբրի-
 տասական սրբարար շնորհան , և պէտպէս
 մտացածին բանահիւսութեամբ մոլորեցու-
 ցեալ զմեզ ՚ի զանազան աղանդս ընդդէմ
 քրիստոնէական ճշմարիտ վարդապետու-
 թեան : Այսան որոյ ՚ի վախճան բանիցս զա-
 ռաքելոյն բան վայելուչ դատիմ գրել՝ ՚ի
 զգուշութիւն ամենայն մտաց՝ առ հաստա-

պինդ կալ յուղղափառ հաւատս ճշմար-
 տութեան , զոր ուսար 'ի Հնորհասարդե-
 աւետարանական բանից Հիսուսի կենարա-
 ըին մերոյ , և յառաքելոց սրբոց քարոզեալ
 և 'ի սրբոց հարց մերոց բացատրեալ . ըզ-
 նոյնս անվտէպ : "Օգոյշ լերուք՝ մի որ
 իցէ՝ որ զձեզ կողոսպիցէ ճարտարմու-
 թեամբ և սնտաի խարէութեամբ , որք ըստ
 մարգկան աւանդութեան՝ և ըստ տարերց
 աշխարհիս , և ոչ ըստ Հիսուսի Վրիս-
 տոսի" . Աող . ք . 8 :

Վ. Ե. Ր. Զ.

ՅԼՆԿ ԳԼԽՈՅ

Ա . Յողափս Էլէղէցոյ՝ Լէն ղէ՛նչ Էլէ .	1
Բ . Յողափս սկզբնաւորութիւն Էլէղէցոյ .	12
Գ . Օսնաղանս-Լիւն Հնն Էլէղէցոյ ընդ նորոյս .	17
Դ . Ելէղէցնն Քաթանի յերիս .	29
Ե . Յողափս շնորհաց սարք Էլէ . ղէցոյն Քրիստոսի .	35
Օ . Յողափս սաճանի շնորհաց .	39
Ե . Յողափս Քաթանսն շնորհացն .	43
Ը . Յողափս Քաթանսն ներսն շնորհաց .	47
Թ . Յողափս ղփոյչ լնեւայ 'ե շնորհս Աստ-ծոյ .	54
Ժ . Յողափս պանծալն նշանաց Էլէղէցոյն Քրիստոսի .	63

ԺԸ . Յուզէս Էօնի խորհրդոց Էփե-
 ղէցոց . 87
 ԺԹ . Յուզէս Ներգործութեան խոր-
 հրդոցն . 92
 ԺԳ . Յուզէս Հեղինակն խորհրդոց . 97
 ԺԴ . Յուզէս Ղանաղանութեան խոր-
 հրդոց . 111



52

